

四庫全書

史部

欽定四庫全書

御批歷代通鑑輯覽卷三

周起武王三十三年己卯至赧王五十九年己巳凡三十七王三十三世八百六十七年又東周君七年共八

百七十四年

武王

姬姓名發后稷之後系見前嗣文王為西伯興師伐紂

遂革殷命

已即商紂三十有三年春十三祀王即位國號周

王既克商商之百姓咸待于郊王使告曰上天降休商人皆拜王亦答拜翼日命除道修社王入商宮諸

侯百官畢從釁社而告

史記作尹佚策祝
今依帝王世紀

曰殷之末

孫季紂殄廢先王明德侮蔑神祇不祀昏暴商邑百姓其章顯聞于天肆予小子膺受大命革殷受天明命王載拜稽首乃出改有天下之號曰周以丕德王

封紂子祿父

武庚為殷侯
名

封祿父以殷之餘民因殷初定未集乃使弟管叔鮮

蔡叔度相祿父治殷

復商舊政

命召公釋箕子之囚命畢公釋百姓之囚表商容之

賢臣之間命南宮括散鹿臺之財發鉅橋之粟以振貧

弱命南宮括史佚展九鼎寶玉命閔天封比干之墓

比干墓在衛
輝府汲縣北于是萬姓悅服

夏四月王歸至豐諸侯受命于周

王來自商至于豐乃偃武修文歸馬于華山

注見之前

陽放牛于桃林

山海經夸父山北有林焉名曰之野桃林地在今陝西潼關廳東南

庶邦冢君暨百工受命于周

大封建諸侯于天下

封黃帝之後于薊

今順天府大興縣周初薊國

帝堯之後于祝

今山

東濟南府長清縣有祝阿故城古祝國

帝舜之後于陳

都宛卽是為三注見前

恪復封夏后氏之後

東樓公

于杞

今河南開封府杞縣

與殷之武

庚是為二王之後又封師尚父于齊

都營卽故城在今山東青

州府昌樂縣

弟周公旦于魯

今曲阜縣

召公奭

周之

于燕

史記正義

召公始封在北平無終縣以燕
山為名 無終今順天府薊州
庶叔高于畢 今陝西

咸陽縣畢 皆留相王室封弟叔鮮于管 今開封府鄭
原畢公邑 州有管城鮮

也 所封 叔度于蔡 今河南汝寧府上蔡
縣故蔡城度所封 叔處于霍 今山

陽府霍州有 霍城處所封 以監殷是為三監餘各以次受封 弟之

國康叔封于衛叔振鐸于曹叔武于卣季載于卨庶弟
叔緇于滕叔鄭于毛封同姓之國諸叔于卨于卨于

雍于原于鄆號仲于西號號叔于東號泰伯仲雍之
後周章于吳章之弟于夏璉為庶封異姓之國神農

之後于焦少昊之後于莒祝融之後于邾回岳之後
于許仲虺弟雍滑之後于諱 衛今河南衛輝府淇

縣有朝歌故城康叔封此曹今山東曹州府定陶縣
有曹故城振鐸封此卨史記作成今山東兗州府寧

陽縣有成縣故城叔武封此
陸府荆門州那口城是勝今
城叔繡所封毛春秋會纂注國在河南府
今曹州府城武縣有部城周部國卽今山西蒲州府
猗氏縣有卽城周卽國雍今河南懷慶府修武縣有
雍城周雍國原今懷慶府濟源縣有原城周原國
今西安府鄠縣有鄠城周鄠國西號今陝西鳳翔府
寶雞縣之號城是東號今河南開封府河陰縣之號
亭是吳今江南常州府無錫縣有梅里鄉泰伯所居
是為吳虞即西虞本舜後所封周以封仲雍後西
虞注見前焦今河南陝州之焦城是莒今山東沂州
府之莒州是邾今兗州府鄒縣之古邾城是許今河
南許州是
薛注見前

祀于祖廟追王太王王季文王遂定諡法

始定祀先之禮諱名立諡追王古公亶父曰太王季
歷曰王季文考曰文王自祖紺以上至后稷以天子
之禮祀焉

柴于上帝望于山川

告武成也

以建子月為歲首改祀曰年

十一月建子得天之正是謂天統

以夜半為朔

色尚赤

牲用騂

赤色

戎事乘駟

駟馬白腹

朝燕服冕

注見前

而元衣

立徹法

一夫受田百畝卿遂

郊內門

用貢法十夫有溝

田不井授但為

溝

都鄙

郊外地

用助法八家同井耕則通力而作收則

計畝而分故謂之徹

建學

國中並立四代之學辟雍

王制天子曰辟廡注辟明廡和也雍與廡同

居

中北虞學東夏學西殷學是為大學又建虞庠于西

却夏序于州殷校于黨皆鄉學是為小學俱祀先聖
先師人生八歲自王公至庶人之子弟俱入小學十
五歲自天子之元子衆子以至公卿大夫元士之適
子及凡民之俊秀皆入大學凡入學以齒太子亦齒
焉春秋教以禮樂冬夏教以詩書

養老

養國老子東膠

大學在王宮之東膠糾也

庶老子虞庠兼用燕饗

食禮

春夏用燕饗禮秋冬用食禮

憲

法也法其德行

而乞言袒而割牲執

醬而饋執爵而醕

以酒漱口曰醕

受丹書之戒作銘自警

王召士大夫而問曰惡有藏之約行之博萬世可以為子孫恒者乎師尚父進丹書于王道其言曰敬勝

急者吉急勝敬者滅義勝欲者從欲勝義者凶王聞

之惕若恐懼退而為戒書于席之四端及機鑑盥盥

楹杖帶履觴豆戶牖劍弓矛各有銘馬

席前左端之銘曰安樂必

敬右端之銘曰無行可悔後左端之銘曰一反一側亦不可以忘右端之銘曰所鑑不遠視爾所代機之

機銘口生喻口
狀口說者謂甚

本脫字率以口
識之之類予意
不然易傳以言
為君子之樞機
樞機之發紫厚
之主口生者
即所云起羞與
我是也口戒口
者即所云悻出
字入是也他本所
傳機有作几作机
者不如大戴禮
于本義尤為直
揭若廣辯所注
出令依几之說
雖不過沿文索

銘曰皇皇惟敬口生咥口戒口鑑之銘曰見爾前虎
爾後盟盤之銘曰與其溺于人也寧溺于淵溺于淵
猶可游也溺于人不可救也祖之銘曰毋曰胡殘其
禍將然毋曰胡害其禍將大毋曰胡傷其禍將長杖
之銘曰惡平危于忿戇惡乎失道于嗜慾惡乎相忘
于富貴帶之銘曰大減修容慎戒必恭恭則壽履屨
之銘曰慎之勞勞則富鴈豆之銘曰食自杖食自杖
戒之懽懽則逃戶之銘曰夫名難得而易失無懽弗
志而曰我知之乎無懽弗及而曰我杖之乎擾阻以
泥之若風將至必先搖搖雖有聖人不能為謀也觴
之銘曰隨天時地之財敬祀皇天敬以先時劍之銘
曰帶之以為服動必行德行德則興背德則崩弓之銘
曰屈伸之義廢興之行無忘旬過弓之銘曰造弓造
弓少間弗忍終身之羞予一人所聞以戒後世之子孫

訪道于箕子

禹治洪水洛出書

注見前

法而陳之為洪範九疇至是

王訪箕子以天道箕子乃推衍增益以成其篇

初一五

行次二曰敬用五事次三曰農用八政次四曰協用五紀次五曰建用皇極次六曰又用三德次七日明用稽疑次八曰驗用庶徵次九曰嚮用五福威用六極箕子不欲臣周亡于朝

鮮麗國

今高麗國王因以封之

作大武樂

象武功定天下也

詳見左傳樂記不具載

殷伯夷叔齊

伯夷姓墨胎名允字公信夷諡也叔齊名智字公達齊亦諡也餓死于首

陽山

注見前

初王伐紂伯夷叔齊扣馬而諫左右欲兵之太公曰此義人也扶而去之及王平殷亂天下宗周伯夷叔齊恥之隱于首陽義不食周粟採薇而食之卒以餓

死古史考夷齊採薇野有婦人曰子不食周粟此亦周之草木也于是餓死

庚辰十有四年西旅西方之戎貢獒犬高四尺曰獒

時九夷八蠻夷蠻四夷之通稱八九言其非一通道來貢西旅底貢

厥獒太保召公奭以獒非常貢明王不貴異物乃作書

夷齊不食周粟特謂義不仕周受祿餓死者亦云貧餓以死云爾古史考舉野婦之語竟似夷齊並不食薇以致餓死不免因

訓王名曰旅葵

肅慎氏

今寧古塔地貢矢

楷矢石磐

楷木之矢以石為鏃

長尺有咫王欲昭令德之致遠

銘其括曰肅慎氏之貢矢

遷都于鎬

帝王世紀武王遷鎬鎬池即其故都水經注自漢武穿昆明池基溝淪陷無可考

自太王居岐名國為周是為岐周至王自豐宅鎬是

為宗周于是建辟廡興禮樂周道四達無思不服

王不豫周公旦告于祖考翼曰瘳

公為三壇同墀

集土曰壇除土曰墀

為壇于南方北面積壁秉

圭乃告太王王季史乃冊祝請以身代歸納策于金

縢匱中王翼日乃瘳

壬午十有六年箕子來朝

箕子過故殷墟傷故都宮室毀圯禾黍生焉欲哭不
可欲泣則近婦人故作麥秀之歌曰麥秀漸漸兮禾
黍油油兮彼狡童兮不與我好兮殷之遺民聞之莫
不流涕

乙酉十有九年冬十有二月王崩子誦立是為成王

王丕承文王之烈一戎衣而有天下建官惟賢位事

惟能垂拱而天下治嗣西伯十有三年踐天子位七

年崩

禮記年九十三竹書紀年五十有四

周公旦奉元子誦立

金氏履祥序戴記之訛似已但如履祥所云文王生于祖甲庚寅至帝乙壬辰始生武王則年已六十有三矣殊不思武王為

金氏履祥曰戴記文王世子篇文王九十七乃終武王九十三而終若如其言武王八十一而生成王後此又生唐叔虞焉人情事理所必不然也今依竹書紀年之年以正戴記之訛云

成王

武王納太公望之女曰邑姜生王至是武王崩王立

太姒次子詩稱
文王初載天作
之合則太姒之
年亦可知如謂
至是始生武王
後復生周公及
諸叔凡八子此
尤事理所必無
者大率三代以
上載籍殘缺儒
生各逞臆說遂
至支離膠轕若
此蓋古史之事
在存疑不可深
論者多矣

年十有三周公旦相王踐阼而治

丙戌

元年王諒闇周公旦為冢宰總百官

史記武王崩成王少周公恐諸

侯畔周乃攝行政當國凡七年成王長乃反政考周書蔡仲之命惟周公位冢宰正百工蔡沈書集傳曰此言武王崩時也成王在諒闇周公居冢宰百官總已以聽乃古今之通道非如荀卿所謂攝天子之位也三年之喪二十五月而畢周公固未嘗攝亦非有七年而後還政之事也今依蔡傳不取史記之說

夏葬武王于畢

武王陵在西安府咸陽縣文王陵在南武王陵在北

王冠

周公既葬武王乃冠王以朝于廟而見諸侯使祝雍

作頌雍之辭曰使王近于民遠于佞時于不時受也

也惠于財親賢而任能其頌曰令月吉日王始加元

服去王幼志服袞職欽若昊天六合是式率爾祖考

永永無極

周公旦誥召公奭

召公為保周公為師相王左右召公不悅周公作君

奭以告之于是召公乃悅與周公夾輔王室自陝河今

州南陝以西召公主之自陝以東周公主之

召公欲去周公
作書留之本自
直截了當至召
公為保周公為
師召公不悅云
云凡大臣通達

國體者即不應
出此況二公乎
且繹本篇語惟
拳拳以祈天永
命保泰持盈勸
其同心輔政而
蔡沈本傳亦無
一語及之何必
沿漢儒所托之
書序以猜疑小
見妄揣古人也

金氏履祥曰君爽之書胡氏謂在成王幼年今考
書中言意率已可見因從其說係于元年之下

封伯禽為魯侯

周公留相王室使其子伯禽代就封于魯周公戒伯
禽曰我文王之子武王之弟今王之叔父我于天下
亦不賤矣然一沐三握髮一飯三吐哺起以待士猶
恐失天下之賢人子之魯慎毋以國驕人初太公封
于齊五月而報政周公曰何速也曰吾簡其君臣禮
從其俗伯禽至魯三年而後報政周公曰何遲也曰

變其俗革其禮喪三年而後除之周公曰後世其北面事齊乎夫政不簡不易民不能近平易近民民必歸之

丁亥二年周公居東

時管叔及羣弟

蔡叔霍叔

流言于國曰公將不利于孺子

周公乃告二公

書傳謂太公召公

曰我之弗辟

去聲

我無以

告我先王遂居東取易三百八十四爻各繫以辭憂

武庚必叛王室必搖乃作鷓鴣之詩以貽王

詩序幽風鷓鴣

周公救亂也成王未知周公之志公乃為詩以貽王

戊子 三年秋大雷風迎周公于東

周公居東二年王知罪在管蔡是年秋大熟未獲天大雷電以風禾盡偃大水斯拔王與大夫盡弁以啓金縢之書見公請代武王之說王執書以泣親逆也迎公出郊天乃雨反風禾盡起歲則大熟

管叔鮮及蔡叔度霍叔處以武庚叛王命周公討平之

王迎周公歸三叔懼挾武庚以叛奄

地理今釋兗州府曲阜縣奄里

括地志云

及淮夷

淮水注見前淮夷淮南北近海之夷

徐戎

地理今泗州徐城

廢縣古徐國

皆應之王乃命周公東征大誥天下

作大誥

周

公殺武庚誅管叔囚蔡叔于郭鄰

郭亦周書作號鄰鄉遂之地

降

霍叔為庶人命伯禽帥師平徐戎定魯寧淮夷師還周

公作東山之詩以勞士卒

朱子詩傳東山周公東征既歸作此以勝歸卒

封微子啓于宋

今歸德府商邱縣宋地古閭伯之墟通志周封微子于宋以為商後故曰商邱

使紹殷後修其禮物作賓王家

作微子之命

丑巳四年王朝于廟

延訪羣臣羣臣進戒

詩序閔予小子嗣王朝于廟也敬之羣臣進

戒也小陸廟王求助也

周公作立政

周公戒王以用人之道作立政

于是淮奄未盡平公

終告王曰其克詰爾戎兵以涉禹之迹方行天下至于海表罔有不服以觀文王之耿光以揚武王之大力

金氏履祥曰立政亦成王初年之書故其官名與周禮未盡合胡氏大紀像于四年之下是為得之

王伐淮夷踐

也滅奄

書序書傳俱以踐奄在營洛之後金氏前編以多士篇有朕昔來自奄之

文因以多方紀多
士之前今從之

奄及淮夷復叛王乃東征淮夷遂滅奄遷其君于蒲

姑

史記作薄姑今山東青州府博平縣東北有薄姑城

庚寅五年遷殷民于洛邑

今河南府洛陽縣東有洛陽故城周遷殷民于此

王來自奄遷殷之餘民于洛邑歸至宗周作多方以

誥庶邦

蒐于岐陽

岐山注見前

因盟諸侯

辛卯

六年正百官

書序成王滅淮夷
還歸在豐作周官

立太師太傅太保曰三公少師少傅少保曰三孤冢

宰

掌邦治

司徒

掌邦教

宗伯

掌邦禮

司馬

掌邦政

司寇

掌邦禁

司

空

掌邦土

為六卿六卿分職各率其屬以倡九牧

九州之牧

伯
阜成兆民

制禮作樂

制周禮以經邦國曲禮以節威儀

禮記疏經禮三百
周官是也周官三

百六十舉其成數故曰三百曲禮三千儀禮
是也履行五禮之別委曲繁廣故曰三千

總其凡

有五曰吉凶軍賓嘉舉其大有六曰冠婚喪祭鄉鄉

卿飲相見作樂曰勺詩作酌以告成大武頌武王之功以告成于廟

也又分六樂而序之以祀以祭以享奏黃鍾歌大呂舞雲門以祀天

神奏太簇歌應鍾舞咸池以祭地祇奏姑洗歌南呂舞大韶以祀四望奏蕤賓歌函鍾舞大夏以祭山川

奏夷則歌小呂舞天籟以享先祖姜奏房中之樂關

為房中之樂以歌后妃之德

越裳氏注見前來朝

越裳氏重三譯而來獻白雉周公曰德澤不加君子

不享其贄政令不施君子不臣其人譯曰吾國之黃
者曰天無烈風淫雨海不揚波三年矣意中國有聖
人乎于是來朝周公致薦于宗廟使者迷其歸路公
錫駟車五乘皆為指南之制使者載之期年而至其
國

壬七年營東都

今河南府洛陽縣西有河南廢縣即周東都漢書地理志河南郡河南故鄉鄆

地周武王遷九鼎
周公營以為都

初武王克商遷九鼎于洛邑將營都而未果

考史記武王謂

周公曰我南望三塗北望嶽鄙顧唐有河粵唐洛伊
母遠天室營周居于洛邑而後去語出逸周書度邑
篇三塗山名在河南府嵩縣西南嶽鄙杜預
曰河北太行山鄆都鄆近嶽之邑伊水注見前至是

王欲如武王之志命召公先之洛相宅

書序成王欲宅洛邑使召公先相宅作召誥

周公復卜

澗水東瀍水西澗水出河南府滎池縣白石山瀍水出洛陽縣穀城山俱入洛

申視卒營集

書序周公往營成周使來告卜作洛誥

謂之東都曰此四

方入貢道里均也于是王至新邑

洛誥戊辰王在新邑

朝諸侯

祀清廟

詩序清廟祀文王也既成洛邑朝諸侯率以祀文王焉

定鼎于郊鄆帝

世紀河南有郊鄆陌其南名定鼎門蓋鼎所徙入也

卜世三十卜年七百王歸

命周公留後分正東都

分別其民正定其居也

設南郊

郊之祭兆于南郊就陽位也

建明堂

在國之南辰巳之地高三丈方三百步上圓下

方八牕四圓其室考工記作五室大戴禮作九室揚復曰五室取五方之義九室則五方之外必備四隅也九

室之制視五室為尤備

郊祀后稷以配天

詩序思文后稷配天也朱宗祀文子曰為壇而祭故謂之天

王于明堂以配上帝

詩序我將祀文王于明堂也朱子曰祭于屋下而以神祇祭之

教謂之帝

立大社

東青土南赤土西白土北驪黑土中央黃土凡建諸侯鑒取

普天之下莫非

王土分土以封

之是削土也苞

黃菑白之說鑿

哉

其方一面之土苞以黃土菑以白茅以為王封故曰受削土于王室

癸巳八年三月金氏前編以為營洛之三月蔡氏書周公集傳以為次年之三月今從書集傳

誥殷士于新邑

周公既營洛邑又卜瀍水東為下都即今洛陽曰成

周遷殷民處之前既遷矣此乃以王命告作多士集

曰商民遷洛者亦有有位之士故周公以王命告之

封蔡叔子胡于蔡書序蔡叔既沒王命蔡仲踐諸侯位作蔡仲之命

蔡叔度既没其子胡率德改行周公舉以為卿士言
于王復封之蔡以奉蔡叔之祀

甲午九年封弟叔虞為唐侯

今山西平陽府翼城縣西有唐城叔虞所封史記唐在河

汾之東方
百里即此

堯之裔封于唐

竊字記夏后時封
劉累之孫于此

至是唐為亂王滅

之與弟叔虞戲削桐葉為珪曰以此封若史佚請擇
日王曰吾與之戲耳史佚曰天子無戲言言則史書
之禮成之樂歌之遂封叔虞為唐侯

柳氏宗元曰王者之言要于其當設有不當雖十易之
不為病若必遂從而成之不幸而王以桐葉戲婦
寺亦將舉而從之乎

皋陶於舜明良
合德故其言簡

乙未十年王游于卷阿卷曲也阿大陵也

召公從因王之歌作卷阿之詩以進戒詩序卷阿召康公戒成王

召公于成王老
成進戒故其言
長然忠懇懇款

也

後先一揆正不
在體製有古今
時代有久近也

丙申十有一年周公作無逸

周公欲王知稼穡之艱難先已備陳七月之詩朱子詩集

傳周公以成王未知稼穡之艱難故陳后稷
公劉風化之所由使詩序賦誦以教之至是在

豐又作無逸之書以訓于王

周公薨

諡曰文

公在豐病將歿曰必葬我成周以明吾不敢離王既

薨王葬公子畢

長安志周公墓在咸陽縣東北

從文王以明不敢臣

也復以公有大勲勞命魯公世祀以天子禮樂

程子曰周公之功固大矣皆臣子分所當為魯安得獨用天子禮樂哉成王之賜伯禽之受皆非也

命君陳治東都

作君陳

周公既歿以君陳代公分正東郊

天子之國五十里為近郊下都在洛

師之東故
曰東郊

丁酉十有二年巡狩

諸侯朝于方嶽因行熙陟之典

戊戌

十有三年作九府

太府五府內府外府泉府天府職內職幣職金

圜法

初虞夏商之世幣金三品

或黃或白或赤

至是太公望立九

府圜法錢圜函方輕重以銖布帛廣二尺二寸為幅

長四丈為疋

庚戌

二十有五年大會諸侯于東都

四夷各以其方物至史臣為作王會之篇

成士

三十有七年夏四月王崩子釗立

是為康王

四月王不懌甲子召太保及羣臣受顧命

書序成王將崩作顧

命敬保元子釗越翼日乙丑王崩太保命逆元子釗

于南門之外入翼室恤宅宗

引入路寢東夾室為居憂宗主也

癸

酉元子釗麻冕黼裳

吉服也

受冊命即位朝見諸侯

于應門內

太保率西方諸侯入應門左畢公率東方諸侯入應門右

諸侯聽命出

書序康王詰諸侯作康王之詰

乃釋冕反喪服

葬于畢

成王陵在文
王陵西南

王在位三十七年祇勤于德夙夜不逮興禮樂立制

度民和睦而頌聲作

康王

癸亥元年朝于豐宮

徧告諸侯宣示文武之功業

乙丑三年吉禘于先王

遂定樂歌

甲戌 十有二年夏六月命畢公保釐東郊

保安釐正也

王自宗周至于豐冊命畢公分居里成周郊

帝王世紀分民

之居里于成周之郊尚書集傳即經文表厥宅里殊厥井疆也作畢命

戊子 二十有六年召公薨

康四年

初公治西方甚得民和有司請召民公曰不勞一身

而勞百姓非吾先君文王之志也乃巡行鄉邑聽斷

于棠樹之下及卒人思其政不忍伐棠樹作甘棠之

詩歌詠之

詩序甘棠美召公也今河南陝州有甘棠驛以召公名

王崩子瑕立

是為昭王

王克臻洪紫敬恭神人四裔賓服海內晏然百姓興
于禮義圉圉空虛刑措不用四十餘年有唐虞之風
焉

葬于畢

康王陵在文王陵東南

昭王

乙丑元年

王之時王道缺微周始衰

寅壬

十有四年魯公子潰

音費

弑其君宰

伯禽之孫幽公

而自立

是為魏公

金氏履祥曰弑君爭國之禍自是始而王不能討失政甚矣

卯巳

五十有一年有光五色貫紫微

紫宮垣十五星一日紫微大帝之座天子之常

也居

井水溢王崩于漢子滿立

是為穆王

王南巡狩反濟漢

漢水注見前

漢濱之人以膠船進王至

中流膠液船解王及祭公

周公後伯爵

皆溺焉

大紀王隕于漢王右

辛餘靡振王以濟王遂發疾崩

穆王

王生子昭王之二年

國語昭王娶于房曰房有生穆王

至是即位年

已五十餘

庚辰

元年築祗宮

圻內遊觀之宮

壬午

三年命君牙為大司徒伯冏為太僕正

作君牙以冏命

丙申

十有七年王西巡狩徐戎叛

徐戎注見前

王歸征克之

王得八駿馬

一赤驥二盜驪三白義四渠黃五騄六騊駼七騊耳八山子

有造父

者

蜚廉之後

以善御幸遂西巡狩樂而忘歸四方諸侯爭

訟無所質正咸歸于徐

贏姓國子爵地方五百里徐子行仁義故諸侯多歸之

一日千里長驅而歸雖順風揚帆有所不能而謂馬能之乎蓋馬之健者不過能行數百里其能千里而不疲者即良驥也後之務奇者並不識馬安能識良無怪乎其論之失實矣

徐子得朱弓赤矢以為天瑞自稱偃王稱之者三十

六國王聞徐子偃號恐遂稱受命乃命造父御一日

千里長驅而歸使楚人伐徐徐子不忍鬪其民北走

彭城今徐州府銅山縣百姓從之者以萬數徐子將死曰吾

賴子文德不明武備故至此

封造父于趙城

今平陽府趙城縣有故城在縣西南即造父之邑

以御八駿功故封其後為趙氏

至晉趙衰始著

甲寅三十有五年征犬戎

西戎名舜窳三苗子三危其後繁熾夏之衰犬戎入居邠岐間

時王將征犬戎祭公謀父諫曰不可先王耀德不觀
兵王不聽遂征之得四白狼四白鹿以歸自是荒服
者不至

已
五十年命呂侯

呂國名注見前

作呂

亦作甫

刑

王命呂侯為大司寇作修刑辟

周制五刑凡二千訓五百王增至三千訓

夏贖刑

訓暢夏后時贖刑之法制為五罰墨辟疑赦其罰百鍰剕辟疑赦其罰惟倍刑辟疑赦其

罰倍差官辟疑赦其罰六以詰四方

蔡氏沈曰呂命專訓贖刑本舜典金作贖刑之語以行其一切權宜之計然其哀矜惻怛猶有三代忠厚

之遺
意

甲戌

五十有五年王崩于祗宮子繫扈立

是為共王

王之初思保位為難欲自警寤作史記書事之要戒
俾戎夫官名言之朔望以聞厥後欲肆其心周行天

下祭公謀父作祈招之詩

祈父周司馬招其名也詩云祈招之惜惜式昭德音

思我王度式如玉式如金刑民之力而無醉飽之心

以止王心是以獲没于祗

宮

共王

乙亥元年

丁丑三年滅密

密國即密須地注見前

王游于涇上

涇水出甘肅平涼縣竇頭山至西安府高陵縣入渭

密公從有三

女奔之其母曰必致之王夫女三為繫美物也而何

德以堪之密公不獻一年王滅密

丙戌

十有二年王崩子難立

是為懿王

懿王

丁亥元年徙都于槐里

漢書地理志右扶風槐里閭曰犬邱懿王都之故城在今西安府興

平縣
東南

二十有五年王崩共王弟辟方立

是為孝王

孝王

子
元年

甲子
十有三年封非子于秦

地理今釋今陝西秦州有秦亭非子所封

非子惡來革之後

秦世譜惡來女防旁

居犬邱好馬

善養息之王使主馬于汧

水名在鳳翔府渭汧陽縣入渭 前注見之

間馬大蕃息乃分土為附庸邑之秦曰昔伯翳為舜

主畜多息故有土錫姓曰嬴今其後亦為朕息馬其
使續嬴氏祀號曰秦嬴

大雨雹江漢冰

胡氏一桂曰嬴秦始封而災
異即見履霜之象已兆于此

丙寅十有五年王崩懿王子變立是為夷王

夷王

主為懿王太子孝王崩諸侯復立為王

丁卯元年覲禮廢

覲禮天子不下堂而見諸侯王德諸侯之立已始下堂而見降與抗禮

已三年命虢公

虢注見前杜預曰二虢皆公爵

伐太原之戎

後漢書西羌傳穆王

遷戎于太原舊說以為即山西太原顧炎武曰在今甘肅平涼府固原州後魏立原州以古太原而名

至于俞泉

地名獲馬千匹

甲戌八年楚子熊渠伐庸

今湖北鄖陽府竹山縣古庸國

揚粵

漢書南粵王傳略定

揚粵師古曰本揚州之分故云揚粵

至于鄂

今湖北武昌縣有鄂城

熊渠之先曰鬻熊

注見前

事文王有勤勞成王時封其

後

曰熊繹鬻熊曾孫

子楚

先曰荆後改曰楚

錫以子男之田姓芈

音

氏居丹陽

今湖北宜昌府歸州有古丹陽城楚始封此曰西楚後徙枝江亦曰丹陽是為南楚

今荊州府枝江縣是傳至熊渠

熊繹五世孫

王室微諸侯相伐熊渠

甚得江漢間民和乃興兵西伐庸東侵揚粵至于鄂熊渠曰我蠻夷也不與中國之號諡乃立其諸子為

王

長子康為句亶王中子紅為鄂王少子執疵為越章王

分處江上

屬王時熊渠畏王伐

楚去其

王號

士

十有六年王崩子胡立

是為厲王

殺齊侯不辰

太公元
孫哀公

紀侯

姜姓今青州府壽光縣有紀城紀侯國

譖齊侯子王王烹齊侯而

立其弟靜

是為胡公
徙治薄姑

厲王

癸未元年

王暴虐詩人作刺

召穆公作民勞蕩凡伯作
板芮伯作桑柔皆以刺王

辛丑十有九年齊公子山弑其君靜而自立

是為
獻公

哀公之同母少弟山怨胡公乃與其黨襲殺胡公而

自立盡逐胡公子徙治臨淄

故城在今臨淄縣北亦曰齊城

三十年以榮夷公為卿士

墨子厲王染于榮夷終論語疏榮公武王時為天子

公卿夷公蓋其後也

王好利說榮夷公芮良夫

姬姓伯爵世為王朝卿士食采于芮今山西芮城縣

諫曰榮公好專利而不知大難失利百物之所生也

天地之所載也王人者將導利而布之上下猶曰怵

惕懼怨之來也今王專利其可乎榮公若用周必敗

王不聽卒以為卿士諸侯不享

乙卯 三十有三年使衛巫衛國之巫監謗

王無道國人謗王召公

召康公之後穆公虎世輔王室食采于召今鳳翔府岐山縣召

亭諫曰民不堪命矣王怒得衛巫使監謗者以告則殺

之國人莫敢言道路以目王喜告召公曰吾能弭謗矣

召公曰是障之也防民之口甚于防川是故為川者決之

使導為民者宣之使言若壅其口其與能幾何王不聽

己未 三十有七年王出居于氾

今平陽府霍州有氾城元和志即周厲王所奔之地

王心戾虐萬民弗忍乃相與畔襲王王出奔于氾太

子靖匿召公家國人圍之召公曰昔吾驟諫王王不聽故至此今殺王太子王其以我為讐而懟怒乎夫事君者險而不懟怨而不怒況事王乎乃以其子代王太子太子竟得脫

庚申

三十有八年王在彘共和行政

召公周公

周公元子伯室世為周公

禽就封于魯次子留相王二食采于雍今陝西鳳翔縣

相以太子靖幼相與協和共理國事號曰共和

五十有一年王崩于彘周公召公奉太子靖即位

是為宣王

初太子長于召公之家共和十四年厲王崩二相乃共立之為王輔之修政諸侯復宗周

宣王

戊甲元年命秦仲征西戎

初厲王之時西戎反王室滅太邱大駱非子父之族王

即位命秦仲為大夫率其國人征之

命尹吉甫

路史少昊子般封尹在汾州北伐玃狁北狄及周為尹氏采邑有吉甫墓

時玃狁內侵逼近京邑

詩玃允匪茹整居焦獲侵鎬及方至于涇陽焦獲爾雅

十藪之一在今西安府涇陽縣鎬劉向以為千里之鎬非鎬京也方即朔方朱子曰靈夏等州地涇陽涇

水之北也王命吉甫北伐逐之太原注見前而歸于是有六

月之詩

詩序六月宣王北伐也

乙亥

二年命方叔

詩傳周卿士五官之長故曰元老

南征荆蠻

即楚

時荆蠻背叛方叔嘗預北伐有功

詩顯允方叔征伐獫狁蠻荆來威

王命率師南征荆蠻來服于是有采芑之詩

詩序采芑宣王

南征也

命召虎平淮夷

淮南之夷

淮夷不服王命召虎率師循江漢討平之

詩江漢湯湯武夫沈

沈經營四方告成于王

疆理其地南至海

詩于疆于理至于南海

師還

錫虎圭瓚秬鬯以嘉其勲尹吉甫乃賦江漢之詩以

美之

詩序江漢尹吉甫美宣王也能興衰撥亂命召穆公平淮夷

王親征徐戎

在淮之北

王既命召虎平淮南之夷乃親率六師

太師皇父為帥程伯休父

為司馬以征淮北徐方來庭召虎作常武之詩美王因

以為戒

詩序常武召穆公美宣王也有常德以立武事因以為戒孔疏戒者就常德之中而戒使

常行

也

卯巳

六年大旱

自二年不雨至于是年

王承厲王之烈內有撥亂之志遇裁而懼側身修行

欲消去之天下喜于王化復行百姓見憂

天下百姓見被矜憂

仍叔

仍氏叔字周大夫

作雲漢之詩以美之

秦仲死于西戎命其子伐戎破之

西戎殺秦仲仲有子五人

長者為莊公

王召其昆弟與兵

七千使伐西戎破之于是與其先大駱犬邱之地

與莊

公為西垂大夫

今甘肅秦州有西縣故城秦莊公所居漢為縣後廢

辛巳八年巡狩東都

王內修政事外復文武之境土乃選車徒備器械會

諸侯于東都因以田獵講武詩人作車攻吉日

詩序車攻

宣王復古也吉日美宣王田也

乙酉十有二年立魯侯敖

魏公之孫武公

之少子戲為魯世子

魯侯與長子括少子戲來朝王愛戲欲立為魯世子

樊仲山甫

大王子虞仲走孫食采于樊亦曰陽諫曰樊今河南懷慶府濟源縣皮城是也

不可不順必犯王命必誅故出令不可不順也若
魯從之諸侯效之王命將有所壅若不從而誅之是
自誅王命也王卒立之

是為懿公其後括之子伯御弑懿公

而自立

事在二十一年

不藉千畝

文獻通考周制天子孟春之月擇元辰帥公卿諸侯大夫躬耕藉田千畝于南郊冕而朱

絃躬秉耒天子三推三公五推卿諸侯九推庶人終畝厲王時藉田禮廢宣王不復遵古

王不修藉于千畝虢公諫曰民之大事在農是故稷
為大官惟農是務三時務農而一時講武故征則有

威守則有財若是乃能媚于神而和于民今天子欲
修先王之緒而棄其大功置神乏祀而困民之財何
以求福用民王弗聽

乙未二十有二年王后姜氏諫王

姜后賢而有德王嘗晏起后脫簪珥待罪于永巷使
其傅母通言于王曰妾不才至使君王失禮而晏朝敢
請罪王曰寡人不德實自生過非夫人之罪也遂勤于
政早朝晏退繼文武之迹成中興之業為周世宗

封弟友于鄭

西周畿內邑今陝西華川鄭縣故城是後徙號鄭之間今河南新鄭縣是其餘民南

係漢中今漢中府南鄭縣是

友厲王少子王封之鄭并賜之枋田

今山東沂州府費縣有故枋城

天子巡狩助祭泰山湯沐之邑

三十有二年伐魯誅伯御立魯侯之弟稱

是為孝公

王既誅伯御問魯公子能導

一作訓

順諸侯者以為魯

後樊仲山甫曰懿公之弟稱肅恭明神敬事耆老賦事

行刑必問于遺訓咨于故實王曰是能訓治其民矣

乃命魯侯稱于夷宮

祖夷王廟也

癸丑

四十年料民于太原

注見前

初王伐姜戎

四岳之裔初居瓜州後徙中土

敗績于千畝

地名在今山西遼州

乃料民

簡料其數

于太原仲山甫諫曰民不可料也古者

司民協孤終

協考孤幼終死也

司商協民姓

別生類

司徒協

旅

師旅

司寇協禁

罪祿刑死之數

牧協職

物色之數

工協革

牛馬革之皮

場協入

知粟數

廩協出

知用數

而又治農于朝

千畝田也

蒐于

農隙耨穫亦于藉

王亦至于藉考課

獮于既蒸狩于畢時是

皆習民數者也又何料焉且無故而料民天所惡也
害于政而妨于後嗣王卒料之

丙辰

四十有三年殺杜伯

西安府長安縣有杜城水經注周杜伯國

王將殺杜伯而非其罪伯之友左儒爭之九復之而
王不許王曰汝別君

猶背也

而異友儒曰君道友逆則

順君以誅友友道君逆則順友以違君王卒殺杜伯儒

死之

杜伯子叔隰奔晉為士氏

己未四十有六年王崩子湏立

史記作宮湏是為幽王

金氏履祥曰宣王初年有志撥亂周道復興然不克有終如廢魯適不藉千畝料民太原設杜伯大畧可見其後幽王繼之卒以東遷

幽王

庚申元年立姜氏

申侯女

為王后宜臼

申后子

為太子

壬戌三年納褒

如褒國名今陝西漢中府褒城縣古褒國

初宣王之時童謠曰檠弧箕服

山桑為弓箕木為矢房

實亡周

國于是王聞之有夫婦鬻是器者上使執而戮之府

之小妾生女而非王子也懼而棄之

國語史伯曰夏之衰褒之神化

為二龍以同于王庭而言夏后卜請其豫墮而藏之
及殷周葉之發也厲王之末發而觀之聚流于庭不
可除王使婦人不悻而謀之化為元龜以入于王府
府之童妾未既亂而遭之既筭而孕不夫而育故懼
而棄為孤服者方逃于道收之以奔于褒後褒姒有
之獄請入此女于王以贖其罪是為褒姒至是王入後宮
愛而納之生子伯服

三川震

三川涇洛渭也地
震故三川亦動

伯陽父曰

唐固曰伯陽父周
柱下史老子也

周將亡矣天地之氣陰

伏而不能出陽迫而不能蒸于是有地震今三川實

震是陽失其所而填陰也

韋昭曰為陰所鎮

陽失而在陰

韋昭

曰在陰下也

源必塞源塞國必亡昔伊洛竭而夏亡河竭

而商亡今周德若二代之季矣其川源又塞塞必竭川竭山必崩山崩川竭亡之徵也若國亡不過十年數之紀也是歲三川竭岐山崩

甲子

五年廢申后及太子宜臼以褒姒為后伯服為太子

褒姒與虢石父比譖廢申后太子褒姒立為后伯服

為太子宜臼出奔申

國名姜姓四岳之裔今河南南陽府南陽縣有申城申侯國

太史伯陽曰禍成矣無可奈何褒姒不好笑王悅之
萬方故不笑乃無故舉烽火諸侯悉至至而無寇褒
姒乃大笑

丑六年冬十月辛卯朔日有食之

于是有十月之交詩

詩序十月之交大夫刺幽王也

丁卯八年以鄭伯友為司徒

友為司徒甚得周衆問于史伯曰王室多故予安逃
死乎史伯曰獨雒之東土河濟之南可居公曰何以

對曰地近虢

東虢注見前

檜

姁姓國居蔡洧之間今開封府密縣有檜城

號檜

之民貪而好利百姓不附今公為司徒民皆愛公公誠請居之號檜之君見公方用事輕分公地號檜之

民皆公之民也友曰善于是言于王從其民雒東號

檜果獻十邑

後武公竟取十邑而滅號檜

庚午

十有一年申侯以犬戎入寇弑王鄭伯友死之晉衛

秦皆以兵來救立故太子宜臼

是為平王

王欲殺故太子宜臼求之于申申侯弗與召西夷犬

戎攻王王舉烽火徵兵兵莫至犬戎遂弑王于驪山

下山在西安府虜褒姒鄭伯友死于戰秦襄公力戰

破戒衛侯和既武公康叔九世孫從晉侯仇叔虞封唐傳子燮改國為晉燮八傳

合諸侯兵逐戎黜伯服鄭世子掘突武公收父散

兵從諸侯東迎太子宜臼立之

御批歷代通鑑輯覽卷三

欽定四庫全書

史部

御批歷代通鑑輯覽卷四

詳校官侍講_臣王燕緒

編修_臣裴謙履勘

總校官進士_臣程嘉謨

校對官編修_臣吳舒帷

謄錄監生_臣李邦燮

欽定四庫全書

御批歷代通鑑輯覽卷四

周

平王

元年東遷成王營洛邑平王徙都始命秦為諸侯錫

晉侯仇命

王避犬戎難東徙洛邑秦襄公以兵送王王封襄公

為諸侯伯賜之岐以西之地秦於是始國與諸侯

蘇軾謂周之失計未有如東遷之謬此言誠然但謂平王若不遷以形勢東臨諸侯諸侯尚未敢戴此則不然平王本非撥亂

反正之才并無
奮發有為之志
縱使仍都豐鎬
亦唯苟安旦夕
終於不振而已
其能西却大戎
東撫諸夏乎且
當時亦必有不
得不遷之勢矣

通使聘享之禮又策命晉侯

書序平王錫晉侯秬賜
甋珪瓚作文侯之命

以河內

今河南
懷慶府

附庸晉于是始大

呂氏祖謙曰由此而上則為成康為文武由此
而下則為春秋為戰國乃消長升降之交會

秦祀上帝於西時

時音市封
土而祀也

秦伯既封居西垂自以為主少昊之神乃作西時祠

白帝其牲用駟

赤馬
黑鬣

駟黃牛羝羊

詩傳
牡羊

各一

司馬氏遷曰秦襄公始封為諸侯遂
作西時用祀上帝僭端見吳君子懼焉

癸酉

三年以鄭伯掘突為司徒

鄭桓公為司徒死犬戎之難王於是復命其子掘突

續乃父之職國人愛之為作緇衣之詩

詩序鄭風緇衣美武公也

己卯 九年秦東徙汧渭

注俱見前

之會

今陝西鳳翔府隴州有秦城元和志秦文公徙

此

秦襄公卒子文公嗣文公東獵至汧渭之會曰昔周

邑我先秦嬴于此

考非子封秦地在今秦州此云邑我先秦嬴蓋非子息焉時食邑也

後卒獲為諸侯乃卜居之

于是秦初有史以紀事

己而作鄜音時

用三牢祠白帝

史記封禪書秦文公夢巨蛇自天下屬地其口止于鄜衍公問史敦

註曰此上帝之徵君其祠之于是作鄜時
索隱曰鄜地名後為縣屬馮翊衍山陵間

癸未十有三年衛公和卒

諡曰武公史記衛武公平戎有功王命為公卒子莊公揚立

衛公年九十五猶箴儆于國曰自卿以下至於師長
士苟在朝者無謂我耄而舍我必恪恭於朝夕以交
戒我於是作懿戒以自儆

懿讀作抑即大雅抑之詩

及其歿也謂

之睿聖武公

己丑十有九年戊申

申國注見前

王以母家申國迫近彊楚數被侵伐遣兵遠戍戍者

怨思作揚之水詩以刺

詩序王風揚之水刺平王也不撫其民而遠屯戍于母家

周人怨

思焉

朱子曰申侯與大戎攻宗周弑幽王則申侯者平王不共戴天之讐也今平王知有母而不知有父知其立已為有德而不知其弑父為可怨至使復讐討賊之師反為報施酬恩之舉其忘情逆理已甚矣且不

能行威令於天下無以保其母家乃勞民遠戍其衰懦微弱又可見矣詩亡而後春秋作其不以此也哉

辛卯 二十有一年秦伯獻戎捷

秦伯以兵伐戎戎敗走於是秦伯收周餘民有之地至岐岐以東獻之王時宗周宗廟宮室盡為禾黍大

夫行役過之閔宗周之顛覆徬徨不忍去作黍離之

詩

詩序王風黍離閔宗周也

丙申

二十有六年晉侯

文侯子昭侯名伯

封其叔父成師

穆侯子文侯弟

是為桓叔

於曲沃

漢書地理志河東郡閭喜故曲沃今閭喜縣屬山西絳州

晉大夫師服曰國家之立也本大而末小是以能固

故天子建國諸侯立家卿置側室

衆子也得立此一官

大夫有

貳宗

次子為貳宗以輔適子

士有隸子弟

自以其子弟為隸隸

今晉甸侯

也而建國本既弱矣其能久乎後曲沃彊盛晉室微

程子謂成王之
賜伯禽之受皆
為非禮其言益
引而未發東遷
以後諸侯放恣
因禮樂之賜而
井及郊廟王室
不綱從而許之

弱國內大亂

昭侯七年晉潘父弑昭侯而納桓叔不克晉人立昭侯子平是為孝侯孝侯八

年桓叔卒子緡代是為曲沃莊伯莊伯弑孝侯于翼國人攻之立孝侯子却是為鄂侯鄂侯卒莊伯復伐

晉王使驍公伐曲沃立

鄂侯子先是為哀侯

戊午四十有八年魯侯

惠公弗湏孝公之子

請郊廟之禮

魯侯使宰讓請郊廟之禮於王王使史角往魯侯止

留之路史角後在魯于

也之是有墨翟之學

羅氏泌曰劉原父謂使魯郊者必周而非成王蓋平王之世也使成王己與魯則惠公不請矣孔子曰魯

之郊神非禮也周公其衰矣魯之郊豈所以尊公哉

則濫觴之失非
自成王伯禽乎

魯侯弗湏卒

謚惠公

適子軌少庶長子息姑攝國行君事

是為隱公左傳惠公元妃孟子

卒繼室以聲子生隱公宋武公生仲子有文在其手曰為魯夫人故仲子歸于魯生桓公而惠公薨是以

隱公立而奉之宋武公名司空微子弟微仲八世孫

己未四十有九年

時天子微弱諸侯放恣賞罰不行後孔子修魯史作

春秋立百王之大法托始於是年

是年為魯隱公元年

金氏履祥曰此年以後編年紀事自有春秋左氏經傳今特舉其事係王室與關于天下之故者而後書

鄭伯克段于鄆

今河南開封府鄆陵縣春秋鄭鄆邑縣西北有古鄆城

初鄭武公娶申侯女姜氏

是為武姜

生太子寤生及叔段

姜氏惡寤生愛段欲立之亟請於武公弗許武公卒

寤生立

是為莊公

姜氏為段請居京

京邑故城在今河南開封府滎陽縣東南

謂之京城大叔祭仲

鄭大夫與周祭伯別為一祭今河南開封府鄭州有祭城仲食

邑也曰都城過百雉國之害也公曰姜氏欲之焉辟害

詩序鄭風將仲子刺莊公也不勝其母以害其弟小不忍以致大亂也

大叔完聚繕甲

兵具卒乘

詩序叔于田叔處于京繕甲治兵多才而好勇不義而得衆

將襲鄭夫

人姜氏將啟之公聞其期以車二百乘伐京京叛大

叔段段入於鄆公伐諸鄆大叔出奔共

古共國今河南衛輝府輝

縣遂寘姜氏於城潁

即臨潁故城在今河南許州臨潁縣西北

而誓之曰

不及黃泉無相見也既而悔之潁考叔為潁谷

在今河南

河南府登封縣潁水所出

封人聞之有獻於公公賜之食食舍肉

公問之對曰小人有母請以遺之公曰爾有母遺繫

我獨無語之故且告之悔對曰闕

同樞

地及泉隧而

相見其誰曰不然公從之遂為母子如初

今許州襄城縣有鄭

既知誓母之非
乃隨而相見是
遂過也特考叔
用此以曲悟莊

公不可謂非錫
類之一端耳

莊公城相傳為
鄭莊公見母處

使宰咺歸魯侯仲子之賵

撫風及公羊傳宰者何官也
咺者何名也仲子者何桓之

母也何以不稱夫人桓未君也賵者何喪
事有賵車馬曰賵貨財曰賵衣被曰賵

此王室下交諸侯之始

金氏履祥曰左氏傳于隱公之篇多誤如仲子之賵
誤以隱妻于氏之薨為仲子故此以仲子為未薨而
王賵之為豫凶事也考文之四年成風薨五年王使
榮叔歸含且賵以此例之歸賵當是惠公仲子俱歿
之後其歿在春秋之
前左氏蓋誤解矣

祭伯

鄭樵氏族畧周公第七子封祭杜預左傳注陳留
長垣縣有祭城今直隸大名府長垣縣有祭城

村如魯

非王命也此王臣私交之始

平
五十有一年春二月己巳日有食之

三月王崩孫林立

是為桓王

鄭祭足帥師入寇

鄭伯為平王卿士

武公莊公世為王室卿士

平王貳於虢

此南虢也平王

東遷虢仲之後徙于上陽是為南虢上陽城在今河南陝州考路史虢有四一曰西虢仲所封一曰東虢叔所封後為鄭滅一曰南虢仲之後所徙其留岐者為小虢後為秦滅不在四虢之數一曰北虢亦仲之

侵別為男爵班固曰北號在大陽是也大陽漢縣故城在今解州平陸縣鄭伯怨平王於

是周鄭交質及是平王崩王即位將畀號公政四月鄭

祭足帥師取溫

今河南懷慶府溫縣有古溫城周畿內溫邑

之麥秋又取

成周

注見前

之禾

武氏子求賻於魯

武氏周世卿吳氏澂曰子者父老而以子攝行卿之事

齊侯

僖公孫父獻公五世孫

鄭伯盟於石門

在今山東濟南府長清縣西南水經注水

潰流移久已淪圯

此諸侯特相盟之始

桓王

壬戌元年衛州吁弑其君完

莊公子桓公

衛人殺州吁立晉

是為

宣公

初衛莊公娶齊女為夫人

是為莊姜

無子

左傳莊姜美而無子衛人為之

賦碩人

又娶陳女

是為厲嬀

生子蚤死陳女之娣

是為戴嬀

生子

完莊公立為世子公有嬖人生子曰州吁有寵而好

兵公弗禁石碏

衛大夫姬姓衛靖伯之後

諫公又弗聽碏子厚與州

吁游碏禁之不可莊公薨世子完立

是為桓公

石碏乃請

老至是州吁弑桓公而自立未能和其民

史記州吁新立好兵

衛人皆不愛

厚問於石碏碏曰王覲為可陳侯

桓公鮑胡公滿十世

孫

方有寵于王若朝陳使請必可得也厚從州吁如

陳石碏使告于陳曰此二人者實弑寡君敢即圖之

陳人執之而請涖於衛

請衛人自臨討之

衛人使右宰醜涖

殺州吁於濮

史記索隱濮曹衛之間賈逵言陳地非也

石碏使其宰孺羊

肩涖殺石厚於陳迎桓公弟晉於邢

周公之後今直隸順德府邢臺

縣是而立之

甲子 三年京師饑

告饑於魯魯為請糴於宋衛齊鄭

鄭伯入朝

鄭伯朝王王不禮焉

怒其取麥未故弗禮

周公

桓公黑肩

言於王曰

我周之東遷晉鄭焉依善鄭以勸來者猶懼不甞

其器

反至也况不禮焉鄭不來矣

乙丑 四年使凡伯

周公後為周卿士封凡伯城在今衛輝府輝縣

聘於魯我

氏莒別種

居中國者杜預左傳註陳留濟陽縣有戎城今山東曹州府荷澤縣故戎城是

伐之楚邱

衛地今曹

州府曹縣
有楚邱亭以歸

初戎朝於周發幣於公卿

發陳財幣於公卿

凡伯弗賓至是

凡伯聘魯還戎伐之於楚邱以歸

寅丙

五年鄭以祊

注見前

易魯許田

近許之田今河南許州有魯城本許田後置邑

鄭伯請釋泰山之祀

天子有事於泰山諸侯皆從泰山之下諸侯各有湯沐邑鄭之

邑在祊

而祀周公

成王營東都賜周公許田為魯朝宿之地後世因立公別廟為鄭欲易許

田恐魯公以別廟為疑故請已廢泰山之祀而為魯祀周公

以泰山之祊易許田

祊近於魯許近于鄭鄭以天子不

遂歸祊於魯後魯

侯軌

桓公

即位鄭復以璧假許田乃卒易之

左傳桓公元年

修好于鄭

卒易枋田

范氏甯曰王室微弱無復方岳之會諸侯驕慢亦廢朝覲之事故鄭以湯沐之邑易魯朝宿之田也

以虢公忌父為卿士

金氏履祥曰鄭伯爭政之由桓王伐鄭之故

宋公齊侯衛侯盟於瓦屋

周地今開封府洧川縣有瓦屋里

此參盟之始

穀梁傳諸侯之參盟於是始胡氏傳春秋謹參盟

戊辰

七年鄭伯以王命會齊侯魯侯伐宋

宋公不王

不共王職

鄭伯為王左卿士以王命告於齊魯

伐宋魯敗宋師於菅

古頑反宋地

鄭取郕

宋邑在今曹州府城武縣是為

南及防

今山東兗州府金鄉縣西防城是

歸於魯是秋宋人衛人入

鄭

鄭不設備二國乘虛入之

蔡人從之伐戴

今河南歸德府考城縣有故戴城周戴國

鄭伯圖戴克之取三師

程子鄭戴合攻取三國之衆

復以齊人入

邲

公羊作威文王子叔武封注見前

以邲不會王命也

不會伐宋之命

明年

鄭以齊魯入許

許莊公奔衛四岳後封注見前

使許大夫百里奉

許叔

莊公弟後復入子許

居許東偏公孫獲

鄭大夫

居許西偏

今許

州長葛縣有東西二城即

許叔與公孫獲分處地

李氏廉曰傳言鄭伯為王左卿士鄭之所以周旋王
室不過為矯假報復之私非有夾輔之誠也敗宋入

郕入許志得意滿

而有縞葛之戰矣

己八年魯公子翬弑其君息姑而立軌

是為桓公

翬字羽請殺公子軌將以求太宰公曰為其少故也

吾將授之笑使營菟裘

邑名今兗州府泗水縣有菟裘城

吾將老焉

羽父懼反譖公於軌而請弑之公祭鍾巫

公為公子時為鄭所

獲禱於尹氏之主鍾巫
遂與尹氏歸而立其主館於寯氏

魯大夫

羽父使賊弑

公立軌而討竊氏

年

十年宋督

華父督宋戴公孫

弑其君與夷

殤公

及其大夫孔

父

孔子六世祖

初宋宣公

名力武公子

卒舍其子與夷而立弟和

是為穆公

後

穆公疾召大司馬孔父而屬與夷焉使奉之孔父曰

羣臣願奉馮也

馮穆公子

公曰不可使馮出居於鄭遂卒

與夷立孔父為司馬督為太宰十年十一戰民不堪

命督宣言曰司馬則然遂殺孔父並弑殤公召公子

馮於鄭而立之

是為莊公公羊傳晉將弑殤公以孔父生而存殤公不可得而弑于是先

攻孔父之家殤公救之皆死焉

魯侯會齊侯陳侯鄭伯於稷

宋地

以成宋亂

成平也宋有亂故為

會欲以平之

宋以郕

國名文王之後是為北郕注見前

大鼎賂魯侯齊陳鄭皆有

賂於是立華氏督遂相宋公魯取郕大鼎納於太廟

臧孫達

魯孝公子驅字子臧是為僖伯其後以臧為氏子達是為哀伯

諫不聽

蔡侯鄭伯會於鄧

今許州鄧城是縣鄧城是

始懼楚也

壬申

十有一年晉曲沃敗晉師於汾隰

汾水之邊左傳疏汾水出太原故汾

陽縣東南至河東汾陰縣入河故汾陽今山西忻州靜樂縣汾陰今山西蒲州府榮河縣

獲晉侯

哀侯

晉欒成

靖侯孫欒賓子賓食采於欒以邑為代故城在今直隸趙州西北

死之

晉侯侵陘庭

今山西平陽府翼城縣東南有欒庭城志云即陘庭也

之田陘庭

南鄙啟曲沃伐翼

即翼城晉所都

曲沃伯稱

即武公莊伯子

逐晉侯

於汾隰夜獲之及欒成

謹共叔

稱止之曰苟無死吾以

子見天子令子為上卿制晉國之政辭曰民生於三

事之如一父生之師教之君食之惟其所在則致死

焉遂闕而死

時晉人立哀侯于小子為君是為小子侯小子侯元年曲沃武公使韓萬弑哀

侯四年武公誘小子侯而殺之韓萬曲沃桓叔子食

哀侯之弟緡于晉是為侯緡
以韓原因
以為氏

秋七月壬辰朔日有食之既

甲戌
十有三年蔡人衛人陳人從王伐鄭

王奪鄭伯政鄭伯不朝王以蔡人衛人陳人伐鄭鄭

伯禦之為魚麗之陳先偏後伍伍承彌縫

司馬法車戰二十五

繡葛之戰春秋
大變也鄭子周
室最親密邇畿
甸當先諸侯
以秦王命乃因
王辟虢公政執

與師入寇又拒
王逆戰無君之
罪著矣故謂鄭
莊為春秋之首
惡也可

乘為偏以車居前以伍次之承偏之隙而

戰於繻葛

鄭地或云即長葛也
今長葛縣屬許州

蔡衛陳皆奔王卒亂鄭師攻之

王卒大敗祝聃射王中肩王亦能軍

駭而不奔

祝聃請從

之鄭伯曰君子不欲多上人況敢陵天子乎夜鄭伯

使祭足勞王且問左右

乙亥

十有四年北戎

即山戎

伐齊鄭世子忽帥師救之遂敗

戎師

先是北戎侵鄭鄭人敗之

鄭為三覆以待戎戎人之前遇覆者奔祝聃逐之衷

我師前後擊之我師大敗

及是我復伐齊齊侯使乞師於鄭鄭世

子忽帥師救齊大敗我師獲其二帥大良少良甲首

被甲者首

三百以獻於齊初魯侯未昏於齊齊侯欲以其

女

即文姜魯桓公夫人

妻忽忽辭人問其故忽曰人各有耦齊

大非吾耦也及敗我師齊侯又請妻之固辭人問其

故忽曰無事於齊吾猶不敢今以君命奔齊之急而

受室以歸是以師昏也人其謂我何祭仲曰君多內

寵子無大援將不立三公子

子突子儀

皆君也弗從

子十有五年遷盟

左傳注盟津也盟津即孟津注見前

向今懷慶也濟源縣向城是之

民於郊

即郊鄙陌注亦見前

盟向求成於鄭

王之八年以蘇忿生之田十二邑易鄭田盟向其二邑也不肯即鄭至是

而始求成焉

既而背之

背鄭歸王

鄭人齊人衛人伐盟向王遷

其民於郊

丁丑十有六年楚僭稱王

楚自熊渠八傳為若敖若敖再傳為蚡冑蚡冑之弟熊通執蚡

冑子而自立

始僭號稱王

楚子熊通伐隨

姬姓侯爵今湖北德安府隨州春秋隨國

俾請王室尊其

號隨為固請王不許熊通怒曰吾先鬻熊文王之師

也成王舉我先公令居楚蠻夷率服而王不加位我

自尊耳乃自立為王

是為楚武王

考金氏前編於楚

是為某分注之處則書楚某皆削王存謚以別于周天子今依之其引用左國史記諸書則仍從原文稱

王與隨人盟而去後周召隨侯

莊王七年

數以立楚為王

楚以隨背已伐隨熊通卒於師子熊貲立

是為楚文王左傳楚武

王伐隨卒於樸木之下今月闕祁莫敖屈重陳道梁

選樸木山名在今湖北安陸府鍾祥縣東令尹莫

敖楚官名鬬氏屈氏皆楚公族以邑為氏渚水名出

今湖北德安府隄州
西北下流入潁水

庚辰十有九年鄭伯寤生卒

鄭莊公卒嫡庶爭立逾二十
年今依俞氏臯叙說彙輯而

以左傳
作注

鄭莊公娶鄧曼

鄧國曼姓今湖北襄陽府襄陽
縣有鄧縣故城春秋鄭國地

生世

子忽

是為昭公

又納宋雍氏女曰雍姑生子突

是為厲公

又生

子亶子儀莊公卒忽立甫四月突自宋入於鄭忽出

奔

雍氏宗有寵于宋誘祭仲而執之使之立
突祭仲乃以厲公歸而立之昭公奔衛

後祭仲

逐突

祭仲專厲公使其嬖雍糾殺之雍姬告仲仲殺
糾厲公奔燕尋入居於櫟事在王二十三年

櫟鄭邑即陽翟注見前

忽復立高渠彌弑之立子亹初莊公將以高渠彌

為卿昭公固諫及昭公立渠彌懼其殺己遂弑之與祭仲共立子亹事在莊王二年齊人殺子

亹

齊侯師于首止子亹會之高渠彌從祭仲稱疾不往齊人殺子亹而釋高渠彌事在莊王三年首

止衛地今歸德府睢州有首鄉劉昭曰首止也祭仲立子儀子儀立十四年

祭仲

突使傅瑕殺之而復入

傅瑕請納公遂與之盟

傅瑕殺子儀及其二子而納厲公厲公入遂殺傅瑕事在僖王二年

甲申二十有三年使家父如魯求車公羊傳王者無求求車非禮也

王崩子佗立是為莊王

莊王

乙酉

元年衛侯朔出奔齊

初衛宣公烝於夷姜

宣公庶母

生急子

急詩序史記俱作及

屬諸右

公子為之娶於齊而美公取之

是為宣姜詩序邶風新臺衛宣納及之妻

作新臺於河上而要之國人惡之而作是詩

生壽及朔屬壽於左公子

左傳

注左右媵之子因以為號疏左右公子蓋宣公之兄弟也

夷姜縊夫人

即宣姜

與朔

構急子公使諸齊使盜待諸莘

今山東東昌府莘縣有莘亭故城春秋衛

地壽告急于使行不可壽飲以酒載其旌以先

史記宣公

按史記宣公十八年納後妻其年生壽及朔即於其年朔讒及壽卒死是則讒者卒死者皆甫生數月之子為情理所必無耳宣公死後宣姜亦幾老而在傳所云齊人使昭伯烝於宣姜不可強之而後生三男二女既已

失節之淫婦又
何待強而老婦
連生五子又必
無之事紀載家
失實傷理莫有
甚於此者故為
之考證如右

與伋白旄告盜曰盜殺之急子至曰我之求也請殺
見執白旄者殺之

我盜又殺之

詩序邶風二子乘舟思伋殺壽也宣公之
二子交相為死國人傷而思之作是詩

也左右公子故怨朔宣公卒朔立是為四年左公子

洩右公子職攻衛侯立公子黔牟衛侯奔齊

丁亥三年魯侯與夫人姜氏如齊齊人殺魯侯

魯侯及姜氏如齊齊侯

襄公諸兒
僖公子

通焉

史記襄公故
嘗私通魯夫

人及與桓公來襄公復通焉詩序齊風南山刺襄公
也為獸之行淫乎其妹又般筍刺文姜也齊人惡魯
桓公微弱不能防閑文姜
使至淫亂為二國患焉
公謫之以告齊侯享公使

公子彭生乘公公薨於車

史記齊襄公享公公醉使公子彭生抱公因摺其脇

公死于車

魯人告於齊曰寡君來修舊好禮成而不反無

所歸咎惡於諸侯請以彭生除之齊人殺彭生魯立

桓公子同

是為莊公

姜氏會齊侯於禚

齊地

於防

魯地注見前

於穀

齊地今山東泰安府東阿縣穀城故縣是

又享之於祝邱

魯地今山東沂州府

蘭山縣即邱城是詩序齊風載驅齊人刺襄公無禮義盛其車服疾驅於通道大都與文姜淫播其惡于

萬民焉又猜嗟刺魯莊公也不能以禮防閑其母失子之道人以為齊侯之子焉

周公黑肩謀弑王伏誅

周公欲弑王而立王子克

莊王弟
子儀

辛伯

周大夫

告王遂

與王殺周公王子克奔燕

南燕姑姓今衛輝府
延津縣南燕故城是

初子

儀有寵於桓王桓王屬諸周公辛伯諫曰並后

妾如后

匹嫡

庶如嫡

兩政

臣擅命

耦國

都如國

亂之本也周公弗從

故及

戊子

四年使榮叔

周大夫榮叔字氏叔字

錫魯桓公命

追命以褒之

王姬歸於齊

王使單伯

文獻通考單姬姓伯爵國在畿內世為王卿士

送王姬

送公羊穀梁作逆以

單伯送王姬公穀作逆釋春秋

者辨論如令
按魯世卿無單
氏而王胡有單
伯單于此單伯
即後會伐宋之
單伯也審此則
是送非逆不辨
而自明

單伯為魯大
夫與左傳異
魯築王姬之館於外
天子嫁女于諸侯使諸侯同姓者主

之魯侯奉命主王姬之婚
方在諒闇故築舍于外
王姬歸於齊尋卒

孫氏覽曰齊為魯世壻而魯主其婚又在衰經之中不書王姬之歸無以見魯之失禮王之失命也

七年紀侯大去其國
左傳注大去者不反之辭

齊人遷紀邢
漢書作餅今山東青州府臨朐縣餅縣故城是
邢
今山東萊州府昌邑縣營

亭社
是
郕
今青州府安邱縣郕城故城是
紀季以郕
戶圭反今青州府臨淄縣鄰亭是

入於齊
左傳疏釋例齊侯鄭伯詐朝於紀以襲之紀人大懼謀難於魯請王命以求成於齊魯告

不能齊遂適之遷其三邑紀有旦
夕之危故分季以鄰請事於齊
紀侯不能下齊以

與紀季於是大去其國

釋例紀侯自以列國不忍屈臣于齊以國與季脫身外寓

社稷有奉故不言滅違齊難也遠去也

陸氏淳曰失國而曰大去何也紀侯實而無罪恬力者并之故力不足者君子不咎之不曰出奔所以怙

紀惡齊也不書滅不絕其祀也

壬辰八年冬齊人宋人魯人陳人蔡人伐衛

衛侯朔居齊八年至是齊侯會諸侯以納之

癸巳九年春王使子突救衛

王人子突救衛弗克朔遂入於衛殺左右公子賊而

復立黔牟奔於周

甲午十年夏四月辛卯夜恒星不見夜中星隕如雨

左傳注曰

此不匿恒星不見疏夜者自昏至旦之總名但此經下言夜中則上言夜者夜未至中謂初昏之後耳非竟夜不見星也

乙未十有一年齊無知弑其君諸兒

齊侯使連稱管至父

二人皆齊大夫

戊葵邱

此齊葵邱在青州府臨淄縣西

瓜期而往曰及瓜而代期戍公問不至請代又弗許

二人怒因公孫無知以作亂

僖公母弟夷仲年生無知有寵於僖公衣服禮

秩如適襄公絀之

遂弑襄公

公遊姑芬遂田貝邱見大夫從者曰公子彭生

也公怒射之豕人立而啼公懼墜於車傷足喪屨誅

屨于徒人費鞭之見血費走出遇賊于門賊刼之費

袒而示之背請先入伏公而出關死于門中賊遂入

見公之足於戶下遂弑之姑芬即薄姑注見前貝

邱齊地今青州府博

而立無知

興縣南有貝中聚

中丙

十有二年齊人殺無知公子小白立

是為桓公

無知嘗虐於雍廩

史記作雍林賈逵曰渠邱大夫也今臨淄縣有渠邱亭

既立

雍廩殺無知初襄公立無常

政令無常

鮑叔牙

齊大夫以邑為氏

曰君使民慢亂將作矣奉公子小白

僖公庶子

奔莒

嬴姓國子

爵注

見前亂作管夷吾

史記穎工人氏族畧夷吾出自周穆王

召忽奉公子

糾

小白

奔魯魯聞無知死伐齊納子糾小白已自莒

先入

史記齊大夫高偃先陰召小白于莒魯納子糾使管仲遮莒道射中小白帶鉤小白佯死管仲

使人馳報魯魯送糾者行蓋遲至齊則小白已入高偃立之高偃齊文公子高之孫以名爲氏

發

兵拒魯戰於乾時

乾音干齊地左傳注時水支流旱則竭涸故曰乾時時水在今青

州府博興縣南

魯師敗走鮑叔牙帥師言於魯曰子糾親也

請君討之管名譽也請受而甘心焉乃殺子糾於生

竇

史記作笙清賈逵曰句清也地在今曹州府荷澤縣北

召忽死之管仲請囚

齊以管夷吾為相

國語齊桓公使請管仲於魯魯莊公以問施伯施伯曰管子天下之才也所在之國必得志于天下請殺而以展搜之莊公將殺仲齊使者鮑叔受之及堂阜請生致之莊公遂束縛以與齊

齊地在今沂州府蒙陰縣西北

而稅

同之

左傳注蒙陰有夷吾亭鮑叔解夷吾縛于此

管仲制國大緊本於周禮而行之以權使為限於時勢不得不然至山高乘馬準輕重而權穀幣儻者謂其漸開中國之學似矣然富國強兵霸佐之才所就

鮑叔以管仲至齊三黜

以香薰之曰黜

三沐之齊侯親逆於

郊與之坐而問焉對輒稱善乃以為相號曰仲父仲

為政四民不使雜處

國語管子對桓公曰四民者雜處則其言囁其事易聖王之處

士就閒燕處工使就官府處商就市井處農就田野少而習焉其心安焉不見異物而遷焉是故其父兄

固宜如是而已
較之空談仁義
流弊如宋襄者
不更可嗤耶

之教不肅而成子
弟之學不勞而能
制國為二十一鄉
國語管子制工
商之鄉六士鄉

十五公帥十一鄉
國子帥五鄉高子
帥五鄉士鄉管子
作士農之鄉
作內政也
國政以

寄軍令
管子制五家為執
執為之長十連為
鄉鄉有良人焉

置有司四里為連
連為之長十連為
鄉鄉有良人焉

以為軍令五家為
執執為之長十連
為鄉鄉有良人焉

里故五十人為小
戎里有司帥之四
里為連故二百

人為卒連長帥之
十連為鄉故二千
人為旅鄉良人

帥之五鄉一帥故
萬人為一軍五鄉
之帥帥之伍之

入世同居少同遊
故夜戰聲相聞足
以不乖畫戰目

相視足以相識其
歡欣足以相死居
同樂官山海以

行同和死同哀是
故守則同固戰則
同強官山海以

準輕重

管子書桓公曰何
以富國對曰惟官
山海可耳謹鹽筴
與秩官之數其餘
輕重準此而行

立三選以擇賢

國語鄉長進賢公親見之遂使後官官長期而書伐以告且選擇其賢者

而用之公營相其質觀其所能

分五屬以布憲

管子書五

屬立五大夫各治一屬正月之朝君乃出令布憲五屬大夫皆受憲於君

重農以勸穀帛

管子書粟重則萬物輕粟輕則萬物重兩者不衡立故殺去商賈之利而益農夫之事則田野闢而農勸其事又曰穀為君幣為下故五穀粟米

賈罪以備器

械

管子書因罰備器械制重罪賈以犀甲一戰輕罪賈以韞盾一戰小罪賈以金美金以鑄劔戰惡金

美介橋

厚聘幣反侵地

國語桓公曰吾欲從事于諸侯管仲曰當吾封疆而

及其侵地重為之皮幣以驂聘

以親諸侯齊侯悉從

頻于諸侯則四鄰之國親矣

之故仲得盡其才而伯功立

丁酉十有三年魯敗齊師於長勺

魯地春秋彙纂路氏曰成王以商民六族錫魯

公有長勺氏此商民所居也

齊伐魯魯侯將戰曹劌

魯人

請從公與之乘戰於長

勺公將鼓之劌曰未可齊人三鼓劌曰可矣齊師敗

績公將馳之劌曰未可下視其轍登軾而望之曰可

矣遂逐齊師既克公問其故對曰夫戰勇氣也一鼓

作氣再而衰三而竭彼竭我盈故克之夫大國難測

也懼有伏焉吾視其轍亂望其旗靡故逐之

楚敗蔡師於莘

蔡地在今河南汝寧府汝陽縣

以蔡侯獻舞

哀侯蔡仲十世孫

歸

蔡侯娶於陳息侯

今河南光州息縣有古息里即息侯國

亦娶焉息媯

將歸過蔡蔡侯止而見之弗賓息侯聞之怒使告楚

曰伐我我求救於蔡而伐之楚子從之敗蔡師於莘

執蔡侯以歸

史記楚世家文王伐蔡虜哀侯已而釋之

蔡侯繩繫也息媯以

語楚子楚子如息以食入享遂滅息而納息媯

不言楚子問之對曰吾一婦人而事二夫縱不能死

又奚言楚子以蔡侯滅息遂復伐蔡入之

邵子經世書自是江

漢之國皆服于楚

齊師滅譚

今山東濟南府歷城縣有譚城古譚國

齊侯之出也過譚譚不禮焉及其入也諸侯皆賀譚

又不至齊師滅譚譚子奔莒

陳氏傳良曰滅國始于比春秋滅國三十六五伯為之也

巳亥

十有五年王崩于胡齊立

是為僖王

宋萬弑其君捷

莊公渴之子閔公

及其大夫仇牧

初宋伐魯戰於乘邱

魯地故城在今山東兗州府滋陽縣西北

魯侯以金

僕姑

矢名

射南宮長萬

宋大夫

公右欸孫生搏之

搏取也

宋

人請萬歸宋公斬之

戲而相愧曰斬

曰始吾敬子今子魯

囚也萬病之遂弑閔公於蒙澤

今河南歸德府商邱縣蒙縣故城是遇

仇牧於門批而殺之

公羊傳萬與閔公博婦人皆在側萬曰甚矣魯侯之美也天下

諸侯宜為君者魯侯耳閔公矜此婦人妬其言顧曰此虜也爾虜焉故魯侯之美惡乎至萬怒搏閔公絕

其脰仇牧聞君執趨而至過之于門手劍而叱之萬臂掇仇牧碎其首蓋著乎門闕

遇太宰督

於東宮之西又殺之立于游

宋之公子

羣公子奔蕭

宋邑今江

南徐州府蕭縣故蕭城是

公子御說

莊公

奔毫

即毫城注見前

南宮牛

萬之

子

猛獲

萬之

帥師圍毫蕭叔大心

蕭大夫

及戴武宣穆

莊之族以曹師伐之

武王弟振鐔封曹注見前

殺南宮牛於師殺

子游於宋立御說

是為桓公

猛獲奔衛萬奔陳宋人請猛

獲於衛亦請萬於陳以賂歸皆醢之

陳使婦人飲萬酒而以犀革裹

之比及宋手足皆見

僖王

庚子

元年齊侯宋人蔡人邾人

邾國曹姓注見前

會於北杏

齊地在余

山東泰安府

東阿縣北

宋有弑君之亂齊侯欲修伯業會於北杏以平之

桓齊

公衣裳之會一

胡氏安國曰春秋之世以諸侯而主天下會盟之政自此杏始其後宋襄晉文楚莊秦穆交主夏盟跡此而為之者也

齊人滅遂

舜之後今兗州府寧陽縣北有遂鄉春秋遂國

北杏之會遂人不至齊滅遂而成之後遂人飲戍者

酒醉而殺之齊人殲焉

魯侯會齊侯盟於柯

左傳注此柯濟北東阿齊之阿邑猶祝柯今為祝阿今兗州府陽穀

縣東北有阿城鎮即春秋齊阿邑

魯侯將盟曹沫

左傳疏曹劇史記作曹沫

以匕首劫齊侯於壇上

曰反魯之侵地公許之曹沫去匕首北面就臣位公

後悔欲無與魯地而殺曹沫管仲曰棄信於諸侯不

可於是歸地於魯諸侯聞之皆信齊而欲附焉

公羊傳齊

桓之信著于天下自柯之盟始

辛丑二年命單伯會諸侯齊陳曹伐宋

宋人背北杏之會諸侯伐宋齊侯請師於王王命單

伯會之取成於宋而還

單伯會齊侯宋公衛侯鄭伯於鄆

衛邑今曹州府濮州鄆城故城是

宋服故也

齊桓公衣裳之會二

壬寅三年齊侯宋公陳侯衛侯鄭伯會於鄆

齊始霸故諸侯復會焉

齊桓公衣裳之會三

癸卯四年命曲沃伯稱爲晉侯

曲沃伯伐晉侯緡滅之盡以其寶器賂王王使虢公

命曲沃伯以一軍為晉侯

自桓叔始封曲沃至是凡六十七年

夏宋人齊人衛人伐鄭冬齊侯宋公魯侯陳侯衛侯鄭

伯許男

莊公弟穆公新城

滑伯

今河南河南府偃師縣有滑氏故城春秋滑國

滕子

文王

子叔繡封滕注見前

同盟於幽

宋地在今河南歸德府考城縣界

鄭人侵宋諸侯為宋故伐鄭冬同盟於幽鄭成也

桓齊

公衣裳

之會四

楚滅鄧

鄧國注見前

初楚子伐申過鄧鄧侯曰吾甥也止而享之驪甥聘

甥養甥

皆鄧之甥仕于舅氏

請殺楚子曰亡鄧國者必此人也

若不早圖後君噬臍何及

若噬臍喻不可

及鄧侯弗從還年

伐申還之年

楚子伐鄧至是滅之

為國

周大夫

以晉師殺夷說諸

亦周大夫夷亦地名

周公忌父出奔

號

初曲沃伯伐夷執夷說諸為國請而免之既而弗報

說諸不報施于為國

故為國作亂謂晉人曰與我伐夷而取其

地遂以晉師伐夷殺夷詭諸周公忌父出奔虢避為國之

難後惠王

立復之

甲辰五年王崩太子閔立是為惠王

秦徙都雍

今陝西鳳翔府鳳翔縣有雍縣故城元和志春秋時秦都

初秦寧公文公孫自汧渭之間徙居平陽今鳳翔府岐山縣平陽故

城至是德公立寧公子武公弟徙雍居大鄭宮以犧三百牢

祠廊時初作伏祠孟康曰六月伏日也周時無至此乃行之師古曰伏者謂陰氣將起

迫于殘陽而未得升故為藏伏因名伏日也立秋後以金代火金畏于火故至庚日必伏庚金也磔

狗邑四門以禦螽

螽者熱毒惡氣狗陽畜故禦以禦之

惠王

己巳元年春三月日有食之

虢公晉侯來朝

王饗禮命之宥

宥助也命之幣物以助勸敬

皆賜玉五穀

音角亦作珏雙

王馬三匹

左傳非禮也王命諸侯名位不同禮亦異數不以禮假人

使原伯

文王第十六子封原今懷慶府濟源縣古原城是也其後世為王室卿士

逆后於陳

陳媯歸於京師

是為惠后

號晉朝王鄭伯以齊執其卿

鄭不朝齊齊人執鄭詹

求王為援

亦在周倡義為王定昏使原伯逆王后於陳陳嬀歸

於京師

金氏履祥曰三年之喪自天子達號晉

不能以禮導王而亟為迎昏非禮矣

丙午二年為國邊伯詹父子禽祝跪五大夫以王子頹作

亂

初王姚

莊王妻

嬖於莊王生子頹子頹有寵為國為之

師及王即位取為國之圃以為園邊伯之宮近於王

宮王取之又奪子禽祝跪與詹父田而收膳夫

石速也

之秩故為國邊伯石速詹父子禽祝跪作亂因蘇氏

司寇蘇忿生食采於溫亦曰蘇城其後為王卿士桓王八年以蘇之十二邑與鄭故怨

秋五大

夫

石速為士不在五大夫數

奉子頹以攻王不克出奔溫蘇子奉

子頹奔衛衛人燕人

南燕也

來寇立子頹

丁未三年王居於櫟

注見前

鄭伯和王室不克執燕仲父

南燕伯

遂以王歸王處於

櫟秋王及鄭伯入於鄆

桓王時所取鄭邑今河南府偃師縣鄆聚是

遂入

成周取其寶器而還

戊申

四年虢公鄭伯奉王歸於王城誅子頹及五大夫

虢公鄭伯晉命於弭

鄭地在今開封府密縣界

同伐王城鄭伯將

王自圓門入虢叔自北門入殺子頹及五大夫王與

鄭伯武公之畧

界也

自虎牢以東

鄭武公傳平王平王賜之虎牢以東後失

其地故王復與之

虎牢即制邑周穆王時有高奔戎生捕虎于葭中而獻之王王命之為柙畜之東虞

是為虎牢後名成羣故

五月鄭伯卒

子捷立是王巡城在今開封府汜水縣

虢守

巡守

虢公為王宮於玆

虢地在今河南府滎池縣界

王與之

酒泉

春秋彙纂酒泉周邑今陝西同州有甘泉水出通谷中造酒无美名酒泉

乙酉五年陳人殺其公子禦寇公子完奔齊

是為田齊之祖

初陳厲公

名佗桓公弟

生完周史有以周易見陳侯者陳

侯使筮之遇觀之否曰是謂觀國之光利用賓于王

此其代陳有國乎不在此其在異國非此其身在其

子孫光遠而自他有耀者也若在異國必姜姓也姜

大嶽之後也山嶽則配天物莫能兩大陳衰此其昌

乎至是陳人殺太子禦寇

史記陳宣公有嬖姬生子款欲立之故殺禦寇陳

宣公名杵
白桓公子
禦寇素愛完完懼禍及已乃奔齊齊侯使

為卿辭曰羈旅之臣幸若獲宥君之惠也敢辱高位

乃使為工正完之奔齊始易陳氏為田氏
史記正義
完既奔齊

不欲稱本國故號故政
陳為田完卒謚敬仲

楚熊惲弑其君囂

即杜敖
楚文子

而自立

是為
楚成

杜敖欲殺其弟熊惲惲奔隨遂與隨襲殺杜敖而代

其位

庚戌

六年楚人入獻賜楚子豚

熊惲初即位布德施惠結好於諸侯

春秋書荆人來聘公羊傳始能

聘也使人入獻於天子天子賜胙曰鎮爾南方夷越之

亂無侵中國

壬子八年夏六月辛未朔日有食之

晉侯

武公子獻公說諸

盡殺其羣公子

晉桓莊之族通

曲沃桓叔莊伯之子孫

晉侯患之士為

周杜伯子隰叔

之後隰叔為晉士師以官為氏

曰去富子

二族之富強者

則羣公子可謀也

已晉侯曰爾試其事士為與羣公子謀譖富子而去

之又使殺游氏之二子

亦桓莊族

告晉侯曰可笑不過二

年君必無患士為使羣公子盡殺游氏之族城聚

晉邑

即南絳故城在今山西絳州絳縣亦曰車箱城

而處之於是晉侯圍聚盡殺

羣公子以士為為大司空城絳

武公所都城在今絳州北

以深

其宮羣公子或亡奔虢虢以故再侵晉晉侯欲伐之

士為曰不可虢公驕若驟得勝於我必棄其民無衆

而後伐之欲禦我誰與且亟戰將饑

癸丑

九年冬十有二月癸亥朔日有食之

甲寅

十年齊侯宋公魯侯陳侯鄭伯同盟於幽

陳鄭服也

齊桓公衣裳之會五

卯

十有一年齊人伐衛衛人及齊人戰衛人敗績

王使召伯廖

王卿士

錫齊侯命

命為方伯

且使伐衛以其立

子類也於是齊侯伐衛戰敗衛師數之以王命取賂

而還

高氏閱曰衛助子類篡王齊為伯主不能奔救及鄭伯既納王王錫齊侯命使討之于是乎伐衛曰伐者

討得其罪也然既敗衛乃取賂而還嗟夫齊桓以能獎王室霸諸侯而所為乃若是

秋楚伐鄭齊人宋人魯人救鄭

楚令尹子元

楚文弟

伐鄭入於桔柣之門

鄭遠郊名

子元闚

禦疆闚梧耿之不比為旆

子元自與三子特建旆以居前

闚班

若教孫

王孫游王孫喜殿衆軍入自純門

鄭外郭門

及逵市

鄭郭內市

縣門不發楚言而出

鄭示楚聞服故不閉城門出兵而發楚言

子元曰鄭

有人焉諸侯救鄭楚師夜遁

丁巳十有三年命虢公討樊

注見前

執樊皮以歸

樊皮叛王王命虢公討之夏四月虢公入樊執樊仲

皮歸於京師

秋九月庚午朔日有食之

齊人伐山戎

山戎伐燕

北燕召公之後注見前

燕告急於齊齊侯救燕遂伐

山戎至於孤竹

注見前

而還燕君送齊侯遂入齊境齊

侯曰非天子諸侯相送不出境吾不可以無禮於燕

於是分溝割燕君所至與燕

史記正義滄州長蘆縣有燕留城即齊桓公分

溝割燕君所至地長蘆今直隸天津府天津縣

命燕君復修召公之政納貢

於王如成康之時諸侯聞之皆從齊

管子書桓公未至卑耳之溪十

里見人長尺而人物具冠右袂衣公問管仲仲曰登山之神有俞兒者伯王與則見袂衣示前有水也右袂示從右涉也至卑耳之溪有贊水者曰從左方涉其深及冠從右方涉其深及膝乃右涉韓非子桓公自孤竹反迷失道管仲曰老馬之智可用也乃放老馬而隨之遂得道山中無水隰朋曰蟻冬居山之陽夏居山之陰蟻壤一寸而仞有水乃掘地得水

楚人殺令尹子元以鬪穀

奴走切

於菟

音烏徒

為令尹

即子文闕

伯比子楚人謂乳曰穀謂虎為於菟子文初生于邱虎乳之故云

初子元欲盡文夫人

即惠嬌盡謂或以淫事

為館於其宮側而

振萬焉

振動萬舞也

夫人聞之泣曰先君以是舞也習戎

備也今令尹不尋諸仇讐而於未亡人之側不亦異

乎御人以告子元於是子元伐鄭既歸而處王宮闕

射師

即闕廉若教子

諫執而告之申公闕班遂殺子元闕穀

於菟為令尹自毀其家以紓楚國之難

己未

十有五年魯侯同卒慶父弑其君之子般而立啓方

史記作闕莊公少子是為閔公

初魯侯築臺臨黨氏

魯大夫

見孟任

黨氏女

從之閔

音秘不從

公以夫人許之割臂盟公生子般祭名首夏祭天祈雨講於

黨氏女公子

般之妹

觀之國人榮自牆外與之戲子般

鞭之公曰不如殺之榮有力焉公疾問後於叔牙史記

莊公有三弟長曰慶父次曰叔牙次曰季友

對曰慶父材問於季友對曰

臣以死奉般公曰鄉者牙曰慶父材季友以君命醜

叔牙曰飲此則有後於魯國不然死且無後飲之卒

立叔孫氏公薨子般即位次於黨氏慶父使圉人榮

賊子般于黨氏季友奔陳慶父立啓方

史記莊公娶齊女曰哀姜

無子其娣曰叔姜生子開慶父與哀姜
通欲立其娣之子故殺般而立子開

庚申

十有六年晉滅耿

周同姓國漢書地理志河東郡皮氏有耿鄉故耿國皮氏今絳州

河津縣

霍

即霍叔邑注見前

魏

亦周同姓國元和志古魏城在芮城縣北今山西解州芮城縣東北

有河北故城即魏城也

封趙風

造父之後

於耿畢萬

畢公之後以畢為氏

於魏

晉侯作二軍公將上軍太子申生將下軍趙風御戎

畢萬為右以滅耿滅霍滅魏還為太子城曲沃賜趙

風耿賜畢萬魏以為大夫士為曰太子不得立矣分

之都城而位以卿先為之極又焉得立不如逃之為

吳泰伯不亦可乎卜偃

晉掌卜之大夫

曰畢萬之後必大萬

盈數也魏大名也以是始賞天啓之笑

萬之後為戰國魏風之後

為戰

國趙

辛酉

十有七年魯慶父弑其君啟方季友立公子申

是為倍公

誅慶父

魯侯立請於齊召季友季友自陳來歸公之傅奪卜

爵

魯大夫

田公弗禁慶父使卜鬪賊公子武闔

宮中門謂之闔

季友以子申適邾

申閔公庶兄莊公子

慶父奔莒

史記魯人欲誅慶父慶父

恐奔 乃入立之以賂求慶父於莒 莒人歸之及密 傳

注密魯北琅玕賁縣北有密如 乃縊 其後為仲孫 閔 氏亦曰孟氏 閔 亭 賁縣今屬山東沂州府

公之死哀姜與知之 史記閔公二年慶父與哀姜通 益甚哀姜欲立之故使弑公

故孫於邾齊人殺之於夷 魯地 以其尸歸魯人請而葬

之

狄入衛

狄史記作翟黃帝之裔處北地後徙 西河上黨中山其種有赤狄白狄

狄人伐衛衛侯 懿公子 好鶴有乘軒者將戰國人受

甲者皆曰使鶴戰於榮澤 左傳注此榮 澤當在河北 衛師敗績遂

滅衛宋公

桓公御說

迎衛之遺民渡河立昭伯之子申

是為

載公以廬於曹

詩作漕通與滑州白馬縣衛漕邑按滑州今衛輝府滑縣有白馬故城

齊

侯使公子無虧帥車三百乘甲士三千人戍曹

史記自惠

公朔讒殺太子伋至于懿公衛人不服嘗欲敗之秋殺懿公衛人思立伋後伋子已死伋同母弟二人其

一曰黔牟嘗立八年又去其二曰昭伯頑昭伯黔牟皆已死故立昭伯子申

士十有八年齊師宋師曹師次於聶北

今山東東昌府聊城縣有聶城

齊西界近邢地

救邢邢遷於夷儀

故城在今直隸順德府邢臺縣西俗謂之隨宜城

諸

侯城邢

狄伐邢諸侯救邢邢人潰出奔師師遂逐狄人具邢器用而遷之師無私焉夏邢遷於夷儀諸侯城之

楚人伐鄭

春秋于是年
荆始書楚

鄭即齊故也

齊侯宋公魯侯鄭伯曹伯

昭公斑叔振
鐸十二世孫

邾人會於櫓

左傳

作聲春秋彙纂櫓即聲也今河南陳
州府淮寧縣西北有聲城亦作潞

謀救鄭也

齊桓公衣
裳之會六

癸亥十有九年諸侯城楚邱

今衛輝府滑縣東有衛南廢
縣即齊桓公為衛所築地非

齊桓公遷邢封
衛一時危者安

而亡者存孔子
以仁許管仲在
此孟子謂五霸
假之亦在此

戎伐凡伯
之楚邱也

齊侯率諸侯城楚邱以封衛衛戴公卒齊侯立其弟

燬為衛君

是為文公

齊侯既遷邢於夷儀又封衛於楚邱

邢遷如歸衛國忘亡

詩序衛風木瓜美齊桓公也衛國有狄人之敗出廬于漕桓公

救而封之遺之車馬器服衛人思厚報之而作是詩也

衛侯大布之衣大帛之

冠務材訓農通商惠工敬教勸學授方任能元年革

車三十乘季年乃三百乘

詩疏文公徙居楚邱始建城使民安處建市使民交

易營造宮室得其時節制度民既富饒官亦充足百姓美之為作定之方中詩

齊侯宋公江人

左傳注江國在汝南安陽縣

安陽縣黃人

今河南光州春秋

盟於貫

今山東曹州府曹縣有蒙澤故城古貫邑貫與貫字相似

黃國有古黃城

故蒙澤城

亦曰貫城

江黃楚興國始來服故為合諸侯明年又會於陽穀

今兗州府陽穀縣陽穀故城是

謀伐楚

歷代年表貫及陽穀之會不在九合之數

甲子二十年楚人伐鄭

先是楚人侵鄭鬬章

楚大夫

囚鄭聃伯至是復伐鄭鄭

伯欲成孔叔

鄭大夫

曰不可齊方勤我棄德不祥

齊諸侯伐楚
仗義執言而楚
服論者謂召陵
之盟庶幾不戰
而屈人之兵然
觀屈完所對始
若詆諆繼更高
亢所謂服者蓋
亦幾希耳穀梁
傳所以稱召陵
得志為僂也胡
安國乃云庶幾
王者之師則過
情矣

乙丑

二十有一年春齊侯宋公魯侯陳侯衛侯鄭伯許男

曹伯侵蔡蔡潰遂伐楚次於陘

今許州偃城縣陘亭是

楚屈完

楚大

夫

來盟於師盟於召陵

今偃城縣東有召陵故城即屈完來盟地

齊侯以諸侯之師侵蔡

史記桓公與蔡姬戲舟中蔡姬習水蕩公公懼止之不止

公怒歸蔡姬未絕蔡嫁其女桓公聞之興師往伐

蔡潰遂伐楚楚子使問師

故管仲對曰昔召康公命我先君太公曰五侯九伯

女實征之以夾輔周室爾貢苞茅不入

荊州之貢包匭菁茅

王

祭不共無以縮酒

束茅而灌之以酒為縮酒

寡人是徵昭王南征

而不復寡人是問對曰貢之不入寡人之罪也敢不
共給昭王之不復君其問諸水濱師進次於陘楚子
使屈完如師師退次於召陵齊侯陳諸侯之師與屈完

乘

繩證及
共載也

而觀之曰以此衆戰誰能禦之以此攻城

何城不克對曰君若以德綏諸侯誰敢不服君若以

力楚國方城

山名在河南
南陽府葉縣

以為城漢水

注見前

以為池

雖衆無所用之屈完及諸侯盟

齊人執陳轅濤塗

陳公族

諸侯侵陳

陳轅濤塗謂鄭申侯

鄭大夫

曰師出於陳鄭之間國必

甚病若出於東方觀兵於東夷循海而歸其可也申侯曰善濤塗以告齊侯許之申侯見曰師老矣若出於東方而遇敵懼不可用也若出於陳鄭之間供其資糧扉屨其可也齊侯悅與之虎牢執轅濤塗秋齊伐陳冬諸侯之師侵陳陳成歸轅濤塗

丙寅

二十有二年晉侯殺其世子申生

晉侯烝於齊姜

武公妾

生太子申生

同母女弟為秦穆公夫人

娶二

女於戎大戎

唐叔子孫別在戎者

孤姬生重耳小戎

允姓之戎

子生

夷吾伐驪戎

今陝西西安府臨潼縣有驪戎城故驪戎國

驪戎男女以驪

姬歸生奚齊其娣生卓子驪姬嬖欲立其子賂外嬖

梁五

在閭闕之外者

與東闕嬖五

別在閭闕塞外者

使言於晉侯曰曲

沃君之宗也蒲

今山西隰州有古蒲城春秋晉蒲邑

與二屈

今山西吉州有北屈

廢縣晉

屈邑君之疆也不可以無主若使太子主曲沃而

重耳夷吾主蒲與屈則可以威民而懼戎且旌君伐

乃使太子居曲沃重耳居蒲夷吾居屈

晉侯使士蒍築蒲與屈不

眞寘薪焉公使讓之對曰詩云懷德惟寧宗子惟城
君其修德而國宗子何城如之三年將尋師焉焉用
慎退而賦曰狐裘尅茸
一國三公吾誰適從
晉侯又使太子伐東山臯落

氏赤狄別種今山西平定州樂平縣有里克晉大夫諫

臯落山窠字記即東山臯落氏地

曰君之嗣適不可以帥師且臣聞臯落氏將戰君其

舍之晉侯曰寡人有子未知其誰立焉不對而退及

將立奚齊既與中大夫成謀

謂里克也驪姬將殺太子而難里克使優施飲

之酒而告之故里克聽其謀從中立以免遂稱疾不朝姬謂太子曰君夢齊姜

必速祭之太子祭於曲沃歸胙於公公田姬置諸宮

六日公至毒而獻之公祭之地地墳與犬犬斃與小

臣小臣亦斃姬泣曰賊由太子太子奔新城

即曲沃晉

侯殺其傅杜原款重耳謂太子曰盍言子之志於君

太子曰君安驪姬是我傷君之心也曰然則盍行乎

太子曰君謂我欲弑君也天下豈有無父之國哉吾

何行如之使人辭於狐突曰申生有罪不敢受其死

雖然君老矣子少國家多難伯氏不出而圖吾君伯

氏苟出而圖吾君申生受賜而死乃縊於新城姬又

諧二公子曰皆知之重耳奔蒲夷吾奔屈晉侯使寺

人披伐蒲重耳曰君父之命不校乃徇曰校者吾讐

也踰牆而走披斬其袪遂出奔翟又使賈華伐屈夷

吾不能守將奔翟卻芮夷吾臣曰後出同走罪也不如

之梁今陝西同州府澄城縣有夏陽故城古梁國梁近秦而幸焉乃奔梁

齊侯宋公魯侯陳侯衛侯鄭伯許男穆公子曹伯會王

世子於首止注見前諸侯盟於首止鄭伯逃歸不盟齊桓公衣

裳之會七

王后陳媯生太子鄭及叔帶叔帶有寵於后欲立之

齊侯帥諸侯盟於首止會王太子謀寧周也

左傳注王以惠

后故將廢太子而立叔帶故齊桓帥諸侯會太子以定其位

諸侯盟王使周公召

鄭伯曰吾撫汝以從楚輔之以晉可以少安

左傳注王恨齊

桓定太子之位故召鄭伯以叛齊

鄭伯喜於王命而懼其不朝於齊

也故逃歸不盟孔叔止之不聽

楚人滅弦

今河南光州光山縣春秋強國地

於是江黃道

漢書地理志汝南陽安道國陽安故城在今汝寧府確山縣

栢

漢書地理

志汝南西平故柏子國
西平縣今屬汝寧府方睦於齊皆弦姻也弦子恃

之而不事楚又不設備故亡

秋九月戊申朔日有食之

晉滅虢

注見前

執虞公

仲雍後注見前

初晉侯使荀息

晉之公族食采於荀因以為氏

以屈產之乘

屈產何休曰泉

名在今山西汾州府石樓縣

垂棘之璧

垂棘晉地出良璧

假道於虞以伐

虢

水經注虞城北對長坂二十里謂之虞坂襄字記春秋晉假道於虞以伐虢即此路

虞公許

之宮之奇諫不聽晉里克荀息帥師會虞師伐虢滅

下陽

故城在今平陸縣

至是晉復假道伐虢宮之奇諫曰一

之已甚其可再乎諺所謂輔車相依唇亡則齒寒者

輔頰輔車牙車輔為外表車是內骨故曰相依

其虞虢之謂也弗聽宮之奇

以其族行曰虞不臘矣在此行也晉不更舉矣十二

月晉滅虢虢公醜奔京師師還館於虞遂襲虞滅之

執虞公而修虞祀且歸其職貢於王

穀梁傳獻公舉虞荀息牽馬操

璧而前曰璧則猶是也而馬齒如長矣

丁卯二十有三年齊侯宋公魯侯陳侯曹伯伐鄭楚人圍

許諸侯遂救許

諸侯伐鄭以其逃首止之盟故也楚子圍許以救鄭
諸侯救許乃還

戊辰

二十有四年齊侯宋公魯侯陳世子款鄭世子華盟

於寧母

今山東兗州府魚臺縣有泥母亭即春秋寧母地泥讀如寧

齊人伐鄭鄭孔叔請下齊以救國公曰吾知其所由
來矣夏殺申侯以說於齊秋盟於寧母管仲言於齊
侯曰招攜以禮懷遠以德齊侯修禮於諸侯諸侯官

受方物鄭伯使太子華聽命於會子華言於齊侯請

去洩氏孔氏子人氏

三族皆鄭大夫

以鄭爲內臣齊侯將許

之管仲曰君以禮與信屬諸侯而以姦終之無乃不

可乎子父不姦之謂禮守命共時之謂信違此二者

姦孰甚焉會而列姦何以示後嗣夫子華既爲太子

而求介於大國以弱其國亦必不免齊侯辭焉子華

由是得罪於鄭

齊桓公衣裳之會八

二十有五年王人齊侯宋公魯侯衛侯曹伯

昭公子共公襄

陳世子款盟於洮

今曹州府濮州洮城是

謀王室也鄭伯乞盟請服也

齊桓公兵車之會一

王崩太子鄭立

是為襄王

王崩於二十四年之閏月太子惡太叔帶之難懼不

得立不發喪而告難於齊洮之盟位既定而後告喪

於諸侯

通志春秋書惠王之崩于是年十二月從告也

襄王

庚午元年宰周公

宰孔也天子三公不字

會齊侯魯侯宋子

桓公子襄公茲

孟子稱五霸齊桓為盛葵即之

會雖明其禁而
內寵爭鬪先自
犯之蓋無明德
新民之賢徒修
勤遠歸好之辭
未有久而不渝
者是以仲尼之
門五尺之童羞
稱五霸所為正
而不譎亦云復
善於此而已

父桓公卒未

葬故書子衛侯鄭伯許男曹伯於葵邱

宋地今河南歸德府考城

縣有葵邱聚其地有

盟臺亦名盟臺鄉

齊侯會諸侯於葵邱王使宰孔賜齊侯胙

史記王賜桓公文武

胙彤弓

矢大路曰天子有事於文武使孔賜伯舅胙齊侯將

下拜孔曰且有後命天子使孔曰以伯舅耄老加勞

賜一級無下拜對曰天威不遠顔咫尺小白余敢貪

天子之命無下拜恐隕越於下以遺天子羞敢不下

拜下拜登受諸侯盟陳牲而不殺讀書加於牲上壹

猶專明天子之禁

初命曰誅不孝無易樹子無以妾為妻再命曰尊賢育才以彰有德

三命曰敬老慈幼無忘賓旅四命曰士無世官官事無攝取士必得無專殺大夫五命曰無曲防無過糴

無有封而不告

曰凡我同盟之人既盟之後言歸於好宰孔

先歸遇晉侯

史記晉獻公病行後未至

曰可無會也齊侯不務德

而勤遠畧故北伐山戎南伐楚西為此會也東畧之

不知西則否矣其在亂乎

在察也微誠晉公言晉將有亂

君務靖德

無勤於行晉侯乃還

齊桓公衣裳之會九

汪氏克寬曰葵邱之會乃桓霸盛衰之幾鄭康成所謂桓德極而將衰也蓋自再盟出而諸侯協存邢·衡

却執盟名陵帖楚而列國安盟首止于洮而王室寧
及乎葵邱而極盛矣自是而後城祀之功不若城邢
救徐之師緩于救許伐黃不邱謀鄆無成而霸業於
是遂衰論者謂葵邱以前自朔至望之月而葵邱以
後猶自望至晦之月蓋由其心有
勤怠之殊故其功有盛衰之漸也

晉侯說諸卒里克殺其君之子奚齊

殺公羊
作弒

初晉獻公使荀息傅奚齊公疾召之曰以是藐諸孤
辱在大夫其若之何稽首而對曰臣竭其股肱之力
加之以忠貞其濟君之靈也不濟則以死繼之公卒

里克平鄭

晉大夫

以三公子之徒作亂

三公子申生
重耳夷吾

里克

克告荀息曰三怨將作秦晉輔之子將何如荀息曰

死之里克曰無益也荀息曰吾與先君言矣不可以

貳

公羊傳獻公死莫齊立里克謂荀息曰君殺正而立不正廢長而立幼如之何願與子慮之荀息曰

君嘗訊臣矣臣對曰使死者反生

里克知其不可與

謀遂殺莫齊於次

喪次也

宋以公子目夷

桓公庶子

為左師

宋官名

初宋桓公疾太子茲父固請曰目夷

字子魚

長且仁君

其立之公告目夷目夷曰能以國讓仁孰大焉且又

不順還走而退公卒茲父立是為襄公使目夷為左師以

聽政於是宋治目夷之後以魚為氏世為左師

舟二年狄滅溫注見前

蘇子叛王即狄又不能於狄狄人伐之王不救故滅

蘇子奔衛

晉里克殺其君卓及其大夫荀息

里克既殺奚齊荀息將死之人曰不如立卓子而輔之荀息立卓子以葬獻公里克殺公子卓於朝荀

重耳處吾前後
對使之詞賢不
肖相去固殊然
重耳若無舅犯
亦未必及此秦
穆既以重耳為
仁又聽公子縈
之言先置不仁
以謂其中卒之
河外之城未獲
韓原之師已興
彌敦相傾無非

息死之

家氏銓翁曰與齊死於喪次君臣之分未明
車子死於既葬君臣之位已定故書法不同

秦人納晉公子夷吾於晉周公忌父

周卿士

王子黨

周大夫

會齊隰朋

齊莊公驪
四世孫

而立之

里克及邰鄭使

晉岸夷

告重耳於狄曰國亂民擾子盍

入乎重耳辭

重耳告舅犯舅犯曰不可夫堅樹在始
始不固本終必槁落大喪大亂之剝不

可犯也重耳見使者曰父生不得供備灑掃之臣死
又不取滋喪以重其罪且辱在大夫敢辭舅犯即

狐偃字子
犯突之子

呂甥

姓瑕呂
名飴甥

及卻稱

晉之公族食采
于卻以邑為氏

亦使

為利春秋無義
戰役時之民災
以為生哉

蒲城

告夷吾於梁曰重賂秦以求入吾主子夷吾許

午

夷吾告卻芮芮曰不可失也盡盡國以呂甥出告

諾

賂外內無受虛以求入入而後圖聚呂甥出告

大夫

里克平鄭使請君於秦其辭曰天降禍於晉國喪亂

事

羣臣莫敢寧處將待君命君若不忘先君之好屏

也

收其適遷商賁而建立之晉國其誰非君之羣隸臣

秦伯

德公子穆公任好使公子繫弔重耳曰喪不可久時

不可失

公子其圖之重耳告舅犯舅犯曰喪人無以

又因以為利

天下其孰能說之重耳見使者曰父死之謂何或敢有

他志以辱君義

稽顙而不拜哭而起起而不私公子

繫退弔夷吾如弔重耳之命

夷吾告卻芮芮曰公子勉之捐潔不行重賂配

德子無
愛財

夷吾見使者再拜稽首起而不哭私於公子

繫曰里克與我笑吾命之田百萬平鄭與我笑吾命
之田七十萬君苟輔我入且入河外列城五為君之
東游津梁之上無有難急也黃金四十鎰白玉之珩
六雙不敢當公子請納之左右公子繫反致命秦伯
曰吾與重耳重耳仁公子繫曰不如置不仁以滑
也 其中可以進退秦伯乃發兵送夷吾於晉時齊侯聞

晉亂以諸侯之師討晉及高梁

晉地在今山西平陽府臨汾縣有高梁都

亦名梁墟

而還使隰朋帥師會秦師周公忌父王子黨會

齊隰朋立夷吾為晉侯

是為惠公

晉侯使平鄭聘秦且謝

緩賂

史記晉使平鄭謝秦曰始夷吾以河西地許君今幸得入立大臣曰地者先君之地君亡在外

何得擅許秦寡人爭之弗得故謝

殺里克以說

將殺里克使謂之曰微子不及此雖然子

弑二君與一大夫為子君若不亦難乎對曰不有廢也君何以興欲加之罪其無辭乎伏劍而死

平

鄭在秦聞里克死請秦伯重問

厚幣也

以召呂甥卻稱

冀芮

即卻芮別邑于冀即以為氏

出晉君入重耳秦伯許之鄭先

歸秦使冷至

秦大夫

報問且召三子冀芮曰幣重而言

甘誘我也遂殺平鄭及鄭與里克之黨

祁舉及七輿大夫左行共

華右行賈華叔堅驢歎累虎特宮山祁七輿申生下軍之衆大夫也

平鄭子豹奔秦

申三年王子帶以戎入寇

揚拒泉臯

皆戎邑今河南府洛陽縣南有戎城又縣西南有泉亭亦曰前城服虔曰前讀為泉

即泉戎也伊洛之戎

諸雜戎居伊水洛水之間者

同寇京師入王城王

子帶召之也秦晉伐戎以救周晉侯平

和也

戎於王

王以戎難故討王子帶王子帶奔齊

事在四年

齊使仲孫

卷四
湫齊大夫入聘且言王子帶事畢不與王言歸復命曰

王怒未怠不十年王弗召也

事在五年

癸酉四年春三月庚午日有食之

楚人滅黃

黃人恃諸侯之睦於齊不共楚職曰自郢

今湖北荊州府江陵

縣有紀南城楚熊皆徙都此一名郢城及我九百里焉能害我楚遂滅

之穀梁傳黃之盟管仲曰江黃遠我而近楚楚為利之國也若伐而不能救無以宗諸侯矣桓公不聽

及楚滅黃桓公不能救

齊侯使管夷吾入聘

齊侯使管仲平戎於王王以上卿之禮饗仲仲辭曰

臣賤有司也有天子之二守國高在

國氏高氏皆齊公族世為齊上

卿高僕見前國懿仲之子曰歸父

若節時也

春秋來承王命何以禮

焉陪臣敢辭乃受下卿之禮而還

甲戌

五年齊侯宋公魯侯陳侯

宣公子穆公

衛侯鄭伯許男曹

伯會於鹹

衛地今直隸大名府開州鹹城是

諸侯會於鹹

齊桓公兵車之會二

淮夷病杞故

杞初都雍邱今河南開封杞縣

雍邱故城是後東徙淳于今山
東青州府安邱縣淳于故城是
且謀王室也於是諸

侯戍京師為我難故齊遂城緣陵即營陵故城在今

遷杞事在六年杞於是遷

晉饑秦輸粟於晉

晉薦饑麥禾皆不熟乞糴於秦秦伯問百里奚史記晉滅

夫百里奚為秦穆公夫人媵百里亡秦先宛楚鄙人
執之穆公聞百里奚賢以五羖羊皮贖之以歸時百

里奚年已七十餘穆公與語國事三
日大悅授之國政號曰五羖大夫
與諸乎對曰天

災流行國家代有救災恤鄰道也平鄭子豹在秦請

伐晉秦伯曰其君是惡其民何罪於是輸粟於晉自

雍秦都

及絳

晉都注俱見前

相繼

左傳疏雍臨渭絳臨汾渭水自雍而東至華陰入河

從河逆流而上從汾陰入汾又逆流東行而通絳

命之曰汎舟之役明年秦

饑乞糴於晉晉人弗與慶鄭

晉大夫

諫弗聽

乙亥 六年沙鹿崩

沙鹿山名在今直隸大名府元城縣其西有沙鹿城

晉卜偃曰期年當有大咎幾亡國

丙子

七年楚人伐徐

徐國注見前

徐即諸夏故也

齊侯宋公魯侯陳侯衛侯鄭伯許男曹侯盟於牡邱

在今

山東東昌府
茌平縣東北

遂次於匡

今直隸大名府長垣縣
有故匡城春秋衛邑

諸侯之

大夫救徐

盟於牡邱

齊桓公兵
車之會三

尋葵邱之盟且救徐也魯公孫

敖

慶父子
孟穆伯

帥師及諸侯之大夫救徐諸侯次於匡以

待之齊師曹師伐厲

讀作賴楚與國伐之以救徐今
湖北德安府隨州有厲鄉在厲

山下古
厲國地

不克楚敗徐於婁林

徐邑今江南鳳陽府虹
縣有古婁亭春秋婁林

地

齊又為徐伐英氏

英國注
見前

以報婁林之役

事在
九年

蘇洵以管仲不能舉賢自代責其不知似矣然仲之疾未嘗不薦濕朋而朋之才又不及仲縱不死亦不能去豎刁易牙開方况其死耶左傳記寺人貂漏師於多魚仲何不即於此時誅貂貂誅則易牙不能進而開方去

夏五月日有食之

左傳不書日朔官失之也

齊大夫管夷吾卒

管仲病齊侯問曰羣臣誰可相者仲曰知臣莫若君

公曰易牙

即雍巫

如何對曰殺子以適君非人情不可

公曰開方

衛公子去其國適齊

如何對曰背親以適君非人情

難近公曰豎刁

即寺人貂

如何對曰自宮以適君非人情

難親仲卒齊侯不用其言卒近用三子

管子仲寢疾桓公問曰仲

父之疾不幸不起政將安移仲未對公曰鮑叔何如對曰鮑叔君子也其為人好善而惡惡已甚見一惡

笑仲豈見不及此毋亦慮桓公之不己聽而反聽昭以斥已耶所以為器小所以為霸臣

韓之戰秦怒晉焦曲直顯然故韓簡不能止秦伯而秦遂復晉侯史記稱秦伯馳追晉君及為所圍食甚馬皆三百人馳晉

終身不忘公曰然則孰可曰隰朋可朋之為人好上識而下問居其家不忘公門居公門不忘其家事君不二其心亦不忘其身其朋乎公又問仲曰臣聞之消息盈虛與百姓詘信然後能以國寧朋其可乎言終喟然歎曰天之生朋以為夷吾舌也其身死舌焉得生哉史記是歲管仲隰朋皆卒

晉侯及秦伯戰於韓

韓原在今陝西同州府韓城縣

獲晉侯

秦伯伐晉及韓晉侯謂慶鄭曰寇深矣若之何對曰

君實深之

晉侯之入許賂秦以河外列城五既而不與晉饑秦輸之粟秦饑晉閉之糴故秦伐

晉

可若何公曰不孫卜右慶鄭吉弗使乘小駟鄭入

也慶鄭諫弗聽

慶鄭曰古者大事必乘其產生其水土而知其人心安其教訓而服習其

單解其國云云
夫一焉豈能供
三百人之食耶
史遷因事附會
大率類此

道唯所納之無不如志今乘異產及懼而變
將與人易進退不可周旋不能君必悔之
遂逆秦

師使請戰戰於韓原晉戎焉還潁而止公號慶鄭慶

鄭曰復諫違卜固敗是求又何逃焉遂去之

梁山靡御韓簡

號射為右轅秦伯將止之慶鄭以救公誤之遂失秦伯轅五嫁反迎也止獲也

秦獲晉侯

以歸晉大夫反首

亂髮下垂拔舍拔草舍止以示憂感也

從之秦伯

使辭焉曰二三子何其感也寡人之從君而西也亦

晉之妖夢是踐

惠公初立狐突適下國遇共太子與戴而告之曰夷吾無禮余得請于帝

矣將以晉界秦秦將祀余對曰神不歆非類民不祀非族君祀與乃殄乎君其圖之太子曰吾將復請七

日新城西偏有巫者而見我焉許之遂不見及期而往告之曰帝許我罰有罪矣敵于韓杜預曰狐突忽如夢而見太子故曰妖夢豈敢以至晉大夫三拜稽首曰君履后

土而戴皇天皇天后土實聞君之言羣臣敢在下風

史記秦穆公亡善馬岐下野人共得而食之者三百餘人吏逐得欲法之公曰君子不以畜產害人吾聞食善馬肉不飲酒傷人乃皆賜酒而赦之三百人者聞秦擊晉皆求從穆公馳追晉君不能得反為所圍于是食善馬三百人馳冒晉軍以解其圍遂脫穆公而反生得晉君

王命秦伯釋晉侯晉侯歸國

王聞秦獲晉侯曰晉我同姓為請於秦秦伯夫人

夷吾

妙聞晉侯將至乃以太子與女登臺而履薪焉使人

以免

音問

服衰絰逆且告曰若晉君朝以入婢子夕

以死夕以入則朝以死唯君裁之秦伯謂其大夫曰

我得晉君以為功今天子為請夫人是憂且晉人感

憂以重我天地以要我不圖晉憂重其怒也我食吾

言背天地也重怒難犯違天不祥必歸晉君公孫枝

秦大夫
子桑

曰歸之而執其太子必得大成乃許晉平十

月晉陰飴甥

即呂甥食采于陰故曰陰飴甥

會秦伯盟於王城

秦地在

陰伯甥之對秦
伯實可謂善于
辭令

陝西同州府
朝邑縣東

秦伯曰晉國和乎對曰不和小人恥失

其君而悼喪其親不憚征繕以立圉也

國惠公
太子

曰必

報讐君子愛其君而知其罪不憚征繕以待秦命曰

必報德以此不和秦伯曰國謂君何對曰小人感謂

之不免君子恕以為必歸貳而執之服而舍之德莫

厚焉刑莫威焉此一役也秦可以霸納而不定廢而

不立以德為怨秦不其然秦伯曰是吾心也改館晉

侯饋七牢焉十一月晉侯歸殺慶鄭而後入是歲晉

又饑秦伯又餽之粟曰吾怨其君而矜其民晉侯獻秦以河

西之地使太子圉為質于秦秦妻以

宗女後惠公病子圉棄其妻亡歸晉

丁丑八年春正月戊申朔隕石於宋五星隕為石數之則五是月六

鷁鷁水退飛過宋都遇迅風而退飛

時內史叔興聘於宋宋公問曰是何祥也對曰今茲

魯多大喪公子季友公孫茲卒明年齊有亂齊桓公卒君將得諸侯

而不終事具後

齊侯宋公魯侯陳侯衛侯鄭伯許男邢侯曹伯會於淮

左傳注疏
淮即左右

諸侯會於淮謀鄆

左傳注鄆為淮夷所病故鄆且城在今兗州府嶧縣東故鄆國

東畧也

齊桓公兵車之會四

城鄆役人病有夜登邱而呼曰齊

有亂不果城而還

齊桓公主會盟自北杏始迄會淮終衣裳之會九于北杏于鄆二于

幽二于檀于首止于甯母于葵邱是也貫及縣殺不在此數兵車之會四于洮于鹹于牡邱于淮是也召

陵不在此數

戊寅九年魯滅項

今河南陳州府項城縣有故項城春秋項國

淮之會魯侯師未還而取項齊人以為討止公夫人

姜氏會齊侯於卞

今山東兗州府泗水縣有卞城故城春秋魯卞邑

以為請

乃歸

齊侯小白卒

齊侯之夫人三王姬徐嬴蔡姬皆無子齊侯好內內

嬖如夫人者六人長衛姬生無虧

史記作無說即武孟

少衛姬

生元

即惠公

鄭姬生昭

即孝公

葛嬴生湣

即昭公

密姬生商

人

即懿公

宋華子生殖公與管仲屬昭於宋公以為太

子雍

即易牙

有寵於長衛姬因寺人貂

即豎刁

以薦羞


於公亦有寵公許之立無虧冬十月乙亥桓公卒易

牙與寺人貂因內寵以殺羣吏而立無虧太子昭奔

宋十二月乙亥赴辛巳夜殞

史記桓公病五公子各樹黨爭立及桓公卒遂

相攻桓公尸在床六十
十七日尸蟲出於戶



御批歷代通鑑輯覽卷四